

躬
耻
三
耻
鈔

第四册

卷



05363

躬取齋詩鈔卷之七上

會稽宗稷辰墨樓

杆杆室草 辛卯夏至壬辰

奉母入都居宜南米市胡同用荀子儒效篇杆杆自足之意以名寓齋居其中愉戚相間然筆耕為養不得謂不足
所存詩一百二十二首

侍親入都門儼居甫定而作

欲送白雲還偏迎白雲出越山隔萬重燕山在咫尺就養情如歸依親計良得但苦橐筆郎薄祿未能乞行庖空瓶墨家具半書笈下馬殊蕭然寒煙起炊空賴有錫類朋蘭發為我絮陶子堅

上充阿母飢下給兒曹食倉皇初息有俯仰多愧色

朝發東郊東暮宿南郭南儼居古米市應饒石與儻誰知同巷人各境異酸甘朋友借几榻矜屨殊不堪蝨虱遽相集撓寐翻

躬取齋詩鈔

卷七上

杆杆室草

一

林杜軒采

成寢僮僕勸不知臥地聞齋明朝開門始瑣事紛米鹽水火猶居奇鮭菜遑輕談惟念久馳驅得止差足耽高枕吾且休清夢迴江潭

曉起待日出齋幌延東曦夏日稍可畏秋冬漸熙熙吾親居後堂憚暑偏面西幸有老樹陰森森生涼巖樹陰莫全遮日色侵軒墀障以故簾旌紗連官舫旂襦襪映清樾亦復多光輝北鄰富人兒葦幕迷雲霓不如此真率自與儒家宜世塵不我即何慮炎歊為

晤石梧卽送其南遊

白醉芋香閣長懷仙骨人相思三百日如隔數千春江嶽遊情

變君以遊秦來忽變而遊晚雲天別感新皖城登眺處憶我獨沾巾

送裕東巖承宣安嶽東巖名裕泰姓他他拉氏自湖南命

湘亭酒酒潤西南釀化邊人久哺舌嶽色重看攬瀟瀟霍風聲早

已被劾函十年清節修持久千里澄江比擬堪料得精心有成
算錦帆安渡視昭潭

題鄭笏君丈紅葉山房集後

名祖球其弟夢白屬劉開為序行時已下世十年矣

落葉蕭蕭秋閉門遺篇悲怆泣詩魂古音遠繼長沙響

集中長於樂府

清氣遙通勃海源

風格似

許國襟懷徒望弟

丙子歲道出章門見於新建縣齋

追懷南浦曾相見

重溼征衫舊淚痕

沈字小梅杭人乃父有是圖而續之同里沈古鳳屬為之句

題沈州丞續風樹圖

沈字小梅杭人乃父有是圖而續之同里沈古鳳屬為之句

昔我先令君欲靜遭悲風再寫靜軒圖自記哀哀默坐秋氣

深有蹙徵諸容亡何小子孤終身懷以窮每一瞻遺像五內長

忡忡孝思不能肖思續安能工頃見沈司馬風樹追遺恫天性

足歸厚世孝孰比隆油然觸余懷涕淚知何從羨君老桑梓祠

塋臨必躬稍補生養情近與神明通愧我耕石田枵腹不得充

乞官未沾祿有母缺陳襄先壟曠千里上塚無兒童宗祏慘誰

躬恥齋詩鈔

卷七 一 杆杆室草

二 林杜軒棗

依中夜號虛空何時得歸去日埽山上松從君聞德言更覺平

生蒙此願豈易遂披髮照蒼穹

何寅士丈煊提刑滇中詩以送之

長沙風雪送歸船霽月重看尺五天昨歲渡灘聞頌德今朝持

節又行邊萬重雲水揚

新命一榻松筠感古賢

時寓松筠庵

溽暑長途善持護天南繫望極

昆滇

鬱嶂蒼山五百年中原聲教破荒煙久聞象馬來潞甸罕見戈

旗耀麓川

騰越數有番豐而

邊腹要成刑賞信炎霜深費德威

宣知公更造西南福自此蠻方樂晏然

潞字唯呂覽音羸

哭譚鍊簫太守丈

光祜

即書詩稿後

太守侍郎尚忠少子長于音律守寶慶六年卒于官

鐵簫聲動瀟湘波知音幾輩皆媼娥神交獨我未相見餘韻飛

到留雲窩長沙雪裏羈人去抵書贈策傳情素青草湖頭夜渡

時詩魂獨湖吹簫路行行萬里消息遠重負君言少書簡長安
乍到南鴻來天半簫聲忽驚斷蒹葭宇宙方憎才柰君忍死結
吾儕徒干造化畢身命仰天莫釋無窮哀嗚呼於君却無恨沒
世清名在州郡祇惜蕭條七澤間美人零落誰相問念我平生
知者稀嚴公樂園先生最早譯侯遲寸心兩契缺一面欲補此恨三

生期

題葉潤臣名禮風雨懷人圖

瀟瀟聽風雨中有古別離美人不得見觸起纏綿思纏綿復纏
綿思之不能即昔日歡滿堂今宵獨悽絕默坐抱清影万籟爭
漂搖悄然情自深何以慰寂寥可念有情人寫此有情意欲狀
終難言秋懷感無際

德化令吳君初度其子因古鳳索詩

君家謝臺下山色鬱青蔥靈秀昔千載運有大復翁大復詩中
躬恥齋詩鈔 卷七上 村打室草 三 杖杜軒柔

兩吳氏畫筆春泉劍秋水長安江夏多名宗今復申陽居季子
季子五仕江州郡勸學救荒稱美政神仙舊尹風流在鳳尤龍
芝供君采官同回道士家猶葛稚川木公金母開綺筵階前鶴
子耕璫田清聲欲徹重雲天君不見文章可致千載名慈祥能
致百年福祝君爲善日不足

陳子仲久移居余寓齋見贈長歌次韻荅之

仲久名瑞琳年又韻石舍人之弟

洞庭秋水無涯畔滂滂遊蹤何所見鼎州舊侶渺以稀幸佳詩
人抱詩硯頻番浪聚沉之南延風嘯月容狂談良宵下榻惜未
久擊波遂溯雷雲盍今年同到燕然住忘易寒暄似朝暮欲就
荒齋避俗塵獨攜古籍依秋樹朝飢畫粥共寒炊夕課分鐙詠
奇句促膝每喜佳客來閉門雅與古人遇齋中清影齊吟肩門
外驚輪輾塵霧此間妙味誰與知不問當時孰相顧盱衡宇宙
無多才蕭蕭愁上昭王臺似龍徧野不能雨化蜃出土徧聞雷

梁園爲墟柳堂圯但長蒹葦生蒿萊南涯流風久已矣西山落
實真悲哉憐君人海乃晚到坐使天驥爭凡材榮名貴在驪雅
列置身遠過蓬壺隈顧余幸齊長者齒兩人皆壬子生折輩論交驚俗
子同命長安日近時豈屑千金博燕市自惜蹉跎年復年猗玗
詰屈阿章顛平生海內少知己何暇更計名山傳君不見齊梁
小兒都述作寂寞揚雄老投閣不如把酒同娛樂

送同年楊心如上卷還刺涪州

今皇心重牧民官 朵殿親咨禮數寬
儉歲愈思邊地熟泰平 尤在遠人安
薦書久著廉威譽 朝寄誠求鞠養難
此日

九天承露去巴渝風雪定消寒

稱母稱翁事可師官清常繫蜀民思儒風善易淫巫俗仁澤先
傳下里詞桑柘陰濃農少訟荔枝香發上能詩故人日下殷相
待五馬重來謁 玉墀

躬恥齋詩鈔

卷七上 杆杆室草

四 林杜軒棗

偕恕齋訪池齋庭供奉生春園邸

清曉行西垌爽氣拭眉睫微波澄淪漪風定飛塊息石徑鳴輕
輪康衢恣幽折秋深葉未黃林樾稍蕭瑟好山鬱相望翠色漸
可挹流泉鳴涓涓湖淀匯深澤雙鷺殊超然離羣自獨立對之
神與閒塵機頓消歇子有同心友言在蓬山側訪之園池濱如
到神仙宅小坐煙雲中逍遙可終日官守偏我驅苑東亟趨直
咫尺懷伊人笑言未能卽明當了公事重過破岑寂時恕齋止宿池邸

昆湖秋望

激灩秋光澹碧潯高梁一覽喜開襟坐忘北地俗塵遠神似西
湖鄉思深葦塢亂眠紅稻穗釣船斜繫綠榆陰

天章敬讀詩幢句遙憶當年望幸心

次和汪益齋太守丈銘謙畱別朋好韻

西出長安莫浪看守邊自古擇人難黃河水勢連天遠紫塞風

聲動地寒戎落盡歸王化久農屯尤望長官安清秋夙駕關山
道曉日霜華照錦鞍

蒼生痛癢切公身秋省先深法外仁君實盟心誠報

主不疑斷獄善歸親對天

溫綽聞新奉

名見時有作官行
改當思對天之訓

守土條綱定密陳快展平

生康濟術漢廷魏邾好宗因

卓然尊行舊齊年才及龍門拜俊賢代北地分千里月城南居

共五雲天

時同居
米市街

綏安遠過長城計志事當如內相傳亟望濟

時新譜讀古心加策祖生鞭

駿馬嘶風羨壯遊雙旗遙指雁門秋中朝絳冕諸天出廣漠氛

煙一氣收經緯自雄龍虎略神仙迴想鳳麟州河東正是需才

日好上籌邊最上樓

去病以新獲范文忠公

景文

名印見示索詩因憶其舊得左蘿

躬取齋詩鈔

卷七上

杆杆室草

五

枕杜軒葉

石先生鄉舉卷遂合賦之

君昔得蘿石鄉舉文七篇卷中正氣森寒煙君今復得夢章故

印方半寸忠心炯炯垂丹暈兩公先後支頰綱卒同殉國悲倉

皇太醫銅人舊垂淚雙塔古井長浮香試文遺世誠難得不若

圖書親手澤四字孤存天地間百八十年無損蝕我聞甲申二

十二君子實賴吳橋振其始英風激起小朝廷北使南樞相繼

起謂左史
諸公

嗚呼噫嘻自遭滄桑變九鼎俱成灰先朝寶璽多沉

埋獨有仁人志士好名姓神物呵護天昭回天之畀君亦非偶

二美不期歸一手勸君力作千秋人當與貞石瑰辭皆不朽

贈姚石甫

瑩

舊從海上釣鼉客心識今時姚武功

海帆兵備
數稱述君

早欲助時懷偉

略尚勞持版事羣公江湖大浸求賢急

時以江南水災
請員命往

詩酒驚

才拔幟雄自笑殘兵猶好武中原相見願趨風

送夢白丈陳臬閩中

丈名祖琛

巍巍義門天下表先人式臨浦江道歸來盛述曾竊聞同舉喜
得名家孫其時相訪不相值聞說分枝在茗雲明年庚嶺梅初
花先人遊粵鼓歸檝道逢我丈翩翩來天涯握手稱仙才頗訝
不坐玉堂上乃使遠攬匡廬隈十年住匡廬万卷富經術人皆
擬作煙霞儔公亦心耽山水宅一移劇地人皆驚出山龍虎風
雲生先人在瀟湘千里聞聲名謂當旦夕致大用風塵豈久藏
珍英無何遂出風塵去刺守名邦展雲步清操異政多上聞密
剡明揚受

殊遇籌鹽一策傳津門煌然經濟垂大文

至尊特命任都轉敝筴頹綱將振新

聖心軫念蒼生重重使章江旌節擁章江政弛須濟寬旦夕吏
民皆震竦公殷報 國力不遑家庭憂戚頻痛傷廬中天至感

躬恥齋詩鈔

卷七上

杵杵室草

六

杵杜軒葉

鄉里毀餘骨立趨巖廊忠孝心源契

宸眷廉威直節真邦憲閩越剛明閩闔基臬蘇旋拜 光明殿
辰也寒宵棲直廬除書先見情欣愉封疆遠切

帝南顧得公執法民其蘇使車今發宣南館祖帳丹青揚繡憶
攜鶴韜琴馬欲東秋蒲霜繪紛行餞知公上體

臨軒思仁風廣宣東海湄九仙峯頭聽鳴鳳歌謳行譜康成詩
和易蓮航 鏡清 六秋吟六首

蒼然西望一登臺消息遙傳塞雁來關外烽煙知大炮蜀中轟

部報新推驚聞玉露深宵下忽覺金風片葉催獨念故人天末

住寒雲千里遠難開

秋信

漠漠梨雲澹不收夢痕也逐水東流芭蕉紙碎雨頻斷蛛蝶衣
單風正愁征戍迢遙迴玉塞遊仙縹緲到瓊樓人間離恨知多

少付與湘簾月半鉤

秋夢

驀地分明驀地昏眼中蕭瑟樹當門
桐陰每共幽琴語竹籟難消古淚痕
自有酒杯招月侶何堪蘿薜抱詩魂
舉頭但見空明際埽却愁根與幻根

秋影

莫航銀漢乞天漿大界平分一味涼
淮北秋深菰米賤江南霜老橘林香
冷中甘苦尋誰說塵外酸鹹許我嘗
托命管城真忘肉風餐露飲樂誰量

秋味

凋殘荷衣瘦竹竿風池月榭不禁看
登臨平遠遊心勝俯仰蒼茫極日難
華髮乍生嫌鏡老吟肩貫聳苦詩寒
燕山何處招葦桂咫尺雲宵未許干

秋色

靈襟豈爲入秋驚靜裏無端動此聲
萬境盡隨霜葉脫百年徒聽候蟲鳴
馬嘶大漠心猶壯鶴嘯寥天氣獨清
搖落時光好深省悲歡漫逐世人情

秋聲

天台鄔半溪索詩因贈

躬恥齋詩鈔

卷七上

杆杆室草

七

杖杜軒萊

台嶽泉百道飲漱皆真仙翁獨取半溪挹
彼一何廉古過溪頭久栖隱出入從雲煙
放眼山水間心契殊洒然每將有聲畫寫入
無聲篇有兒鷹隼揚有孫鸞鶴翩偕老如運期
樂壽如稚川清秋巖桂香草堂正肆筵定有霓裳
侶捧竿方來前我歌君試聽逍遙以延年會當遊
赤城訪之溪石邊相與結幽尙餐霞凌飛泉

九日法源寺同九香丈看菊遂登藏經閣三首

桂嶺吟秋後黃花又及期訪從精舍僻開向冷人遲
葉見初霜意鍾聞欲午時悠然共幽侶塵外動遐思

紺宇猶離垢青林不埽苔好花因佛澹初地少人來
弔古傷遺魄謂戰骨臺登高愧薄才幸逢老禪子傑閣爲君開

凭樓才一覽心目與天遙舊恨懷文謝殘碑讀李蕭
無窮生浩落卽境味清寥萬古隨秋去蒼茫問大橈

曲木從木堯聲女教切

慈仁寺

龔松去人間寺門少行迹孰問大慈仁時俗多不識夏日偶過
之往復在胸臆霜秋趨揚塵攜侶訪幽寂心疑極顛頽不圖尙
修潔松身似蟠虬偃蹇庭中立清陰森滿地坐嘯堪布席乳枝
前代遺闕早過百古容渺雲霄老蒼肖先植想當全盛時此
樹才數尺曾見黃顧儔英英昔者碩林下停中車林邊肆羣籍
畱如桂隱幽歸若槐市集一從喬蔭空浸致飛閣失厯覽淡漠
春久矣冠蓋絕落落白雲濤泠泠自霜雪誰知解松意釋子髮
皓白靜晤皆入理往事歎數劫陶形七粒秀勝果千佛涅不見
滄桑前天人舊懺笈僧定更不言色相存了默吾亦懺忘歸風
聲聽蕭颯

九日邸齋小集用禁體

禁金黃菊瘦晚霜籜等字

蕭辰不風雨欣賞興自長老陽已序九九劫何妨閒劖茱萸房
躬恥齋詩鈔

卷七上

杵杵室草

八

杵杜軒葉

滿堂佳友左右列主賓清影交低昂月鉤斜侵照素壁離披都
作山人裝坐中臭味心早醉況復身襲微颯涼一生甘苦薄俗
異品地真妙難韜藏千秋誤惹苾百族羅姬妾不求甚解希柴
桑但持雙螯酌斗酒逸氣靜對寒天蒼論交耐久無過此百年
暢飲三千觴百年暢飲三千觴今日之樂樂未央

題二樹山人摹寶晉石後

先生之梅滿世界先生之石偶然畫我家舊藏介石圖兒時每
見輒下拜梅名四海石罕聞惟石乃見先生真和中守介俗不
識貞性獨苞天地春此卷流傳在都市隱然遺璞龍山裏追摹
寶晉古容顏質厚心靈友君子吁彼良玉猶求沽吾丈抱影空
山居生平從不染塵滓千載自合歸方壺石交昔與家公契八
十年來陳迹逝相知更遇兩間人

先雷州與先生曾合
作天地兩間人圖

矜惜一

拳重雪涕頰來鑒賞借髯張善推所愛屬子藏子歸齋舍作清

供神中海岳同蒼菽
題孫秋士山人劫木草

天荒地老不勝愁發憤詩成萬木秋
哀豔慣從騷怨得悲涼偏
入變聲收授書黃絹憐嬌女
抱蔓青門泣故侯爭把心情比山
谷
阨窮猶似過宜州

爲汪孟慈喜孫題授經圖

婉孌七齡弱詩禮稟庭聞
誰謂啟童烏遽已失子雲
慘慘母誨
廣哀哀父書存播穫幸有子
抱經勤耕耘回瞻舊書舍
風雨淒
類垣圖繪豈能盡罔極劬勞思

朝遊著作虛莫讀康濟書
通經爲世用願令先志舒
禁省久迴
翔聲名殊清虛馮唐年未老
汲黯態多疎非不憂家國
其如立
身孤孤立將安之昌時望
訂圖努力勵冰雪
俟春陽敷

漢學書滿堂乃翁際其盛
君能廣前徽不復畫畦畛
時問伊洛
躬恥齋詩鈔
卷七上
扞杆室草
九
扶杜軒棐

門兼涉匡劉徑甘心殉名節
決踵追賢聖狂歌繼悲嘆
千呼冀
一應日暮方道長馬疲獨
愁騁縱令知者希安之固
其性

知君十餘年淡如秋水清
耐久雨不渝寄懷在平生
見余苦食
陋篋筭荒遺經所學百弗
如徒有金蘭情披圖觸
隱痾春露濡
空庭與君共獻欬惻然誰
忍聽

送王羲亭司馬暕之萊州

大蓬清望久迴翔軒蓋新
從海國揚舊俗尙循齊相
治遺風宜
訪漢儒鄉青山馴虎神
先伏墨水飛鵝韻自香
恨不同游溟渤
外縱看曉日起博桑

送陶問雲思培歸蕭山

泊鷗莊上溯前遊先輩停
雲可問不燕塞銜來蘆荻
老湘湖歸
去稻花秋尊祖舊有枯棹聲
門庭風烈應相屬陶氏自顯會稽
蕭以風裏稻花香之句
京國聲名已不侔動我鄉
思欲偕作那禁窮鳥喚鈞
朝雅著

十月初六天將明枕上得詩作道者言

山扉深掩道糧遲丹竈無煙鶴苦飢將學赤松求辟穀但餐白石當舍鉛殘香古卷私真味明月清風感厚資怪底家人渾不識寒宵高咏自嘻嘻

徐詠之大理丈鏞出爲山西藩司賦詩送之得二十九韻

縱陽鬱神秀心師三數賢嗣音每樂聞碩彥興翩翻舊依釣鼈

客謂李海帆兵備

一一爲具言我丈與栗翁光栗圍丈偉才推比肩幸托先

執誼鄉往尤拳拳昨歲始瞻晤神宇開青天其時尹畿甸撫字方殷煩亡何救旱飢補助憂經年經年繼得見侍席非燕閒頃來遷大李手平天下冤左腕判淹滯右腕扶顛連公兼左筆積瘁埤

賢勞頗聞心力單

同直李誦我爲公門下士每見輒述之

新拜

九重詔三晉

咨承宣昔爲皋與蘇今爲范與韓奉揚

躬恥齋詩鈔

卷七上

杆杆室草

十

杕杜軒栞

天子風阜民歌嬌弦西土本淳厚戴仁心最堅澄濁歸其清易治莫能先鄉者治吾浙禾人祝桑田況受股肱寄更持方岳權從容運化機正氣隨之旋百寮肅名節廿郡消氛煙所願展布餘爲道昌薪傳河東有源本道流從月川宜告

聖明知祀禮議豆籩庶幾示矜式振起羣愚頑十月天轉和使車發燕然大行雪色稀冬日暉旌旒悠悠動遠思依依執長鞭好音望西來延伫春風前

送邵蓮溪同年勳還鄂

誰與領煩劇乃味泉壑清焦子示君詩興吾懷古情遲久覩見之真意如平生飲我武昌酒綠過湘中醺筵前梅正開雪月交縱橫投我嘉魚集座上悲風鳴凜凜氣以壯爲君傾殘觥一宿梅花齋清夢遶江城三秋別如雨江上思音聲音聲忽相接日下來車旌追話衡湘間箐落從長征丈夫薄功伐豈足爲君

樂所喜廉能才特薦非常名上應

天子求無媿當途明江河數被災創痍多未平望君歷郡國一
一旌昏萌隣予等散木拳曲百無成浮沈在液池無補經與營
惟願青雲衢常得賢人行況聞道路歌是吾良友朋相送辭折

柳珍重期修程

爲金篆香博山題山水畫四幅

小樓山雨來山色罨于畫好買一壺春煙中共清話命

青螺臨曉鏡紅樹滿春江時傍釣人語衝煙飛一縷

萬峯睡未醒山人偏蚤起只爲問梅花拄杖寒雲裏

秋林見黃葉雲壑聞紅泉恍欲陟台嶽飄然隨登仙

送宗室小山桂思赴滇中

萬里王孫賦壯遊嚴君方帥斗南州雨牕綠茗愁懷故信宿

茗把雨水煮茗如昨事霜月黃蘆檐送秋文采待成雙鳳闕詩懷先拓五

躬恥齋詩鈔

卷七上 杆杆室草

士 杜軒棗

華樓關心遙出沅湘道多有羈人舊釣舟

辛卯十月望與仲久去病開父爲四王子會屬勞苻淙寫圖與

會者勞沃齋余吟香苧山也余首作是詩以紀其事

今年五月渡潞河生朝草草征途過更無斗麵脫半臂豈有尊

酒開行窩歲華蕭瑟歛以暮我友欲別歸巖阿時去病以校書

歸爲校官交從髻角並齒序此去漸老頭將皤揆君降日正不遠乃

使虛牝銷蹉跎爰聯同甲作高會益伯與季得算多命疇名客

共歡飲樂永此夕夫如何粵稽古昔四王子晉唐曠代艱追摹

陶杜雲霄見標格白劉風月傳吟哦隱淪遷謫各有感欽嵒磊

落非殊科性情今曩許相擬命數類似常多磨敢云列座信俱

美祇覺速理如交柯窮源天水潤羣木乾坤正氣森嗟哦槐榆

榻袖合風雨荆揚吳越牽煙蘿陳君長者最超俗二子博物皆

名家幸教比肩協支幹庶可抵掌求研磋圖形遠本洛社仿嘯

侶且喜芝仙羅維時賓筵聚伯仲紛若達适偕隨駟登壇豪桀
備四耦飛觴令節催三搥門前箏師更曉事忽來侑我聲猗那
座中逸興盡軒翥劃然長嘯琅然歌長歌不足復起舞夜深醉
影交嬾娑快哉此樂動慈母無異湯餅喧啾啞但期兒戲到百
歲好與公等棲雞窠

題山水畫幀送餘山撫部

試挂輕颿溯碧潯五溪春水度深深關心綠到湖南草榆柳三
年欲滿林

復障層巖雲萬重刀耕火耨盡山農雨人定足隨車雨早見芡
簷喜色濃

深山誰倚古琴眠定是幽人老澗泉偶向停車談大道恍如度
世問真仙

萬間茅屋讀書廬宜抱冬心學古初石室尙畱薪火在天南風
躬心齋詩鈔

卷七上 杆杆室草

三 林杜軒榮

教近何如

辛卯仲冬送易錦江

長新 隨其兄文江 長華 之嶺南

駱駝橋背共吟秋不意將爲萬里遊天下奇觀極蒼海人生仙
福到羅浮阿兄官職清如水有弟追陪春滿舟閱歷名場從此
始漫因兒女結離愁

送文江丞廉州

婉婉萊衣子何堪宦遠州好行南徼化爲釋北堂愁春色江花
澹清聲越石流臨風忙消息天海共悠悠

昔聯朱邸榻旋作紫垣寮交誼增緜疊心情許久要高雲鳴鳳
去離思草蟲消曉直槐陰畔多應感寂寥

送朱春敷河丞 覲旋

月華天上幾重深陪從朝迴聽

玉音宮樹煙開春氣近禁鐘聲動曙光侵百川一障資廉吏九

坎三池繫

聖心願保狂瀾挽顏俗河平名績鑄良金

送張翰山 岳松 丈承宣湖北

瓊臺環海靈所鍾五百年生三鉅公文莊經濟忠介節我丈特
起參方蓬清霜凜凜見丰采秋月皜皜明孤忠文章氣勢山斗
重中有德器能包容舊時但仰率更筆近日爭拜平原風淮海
之北浙水東廉車直指歡兒童桑榆蒙福已數歲豺獫衰息魚
鹽豐頃來內

名贊黼紱咨臯谷夔惟汝庸忽傳江漢民苦水

命往拯溺蕃提封側聞南國議疏導盈庭築室紛無終濟時舟
楫會相待活人在席堪為功先蘇二十九州邑更決二瀆諸障
壅資才庇用費籌策一力旋幹乾坤中茲行定成不朽業早知

眼底收雲夢持幢擁燹等間事曲成制象乃人雄 曲成制象聖臣也本荀子

躬恥齋詩鈔

卷七上 村村室草

三

杖杜軒棗

與王湘浦同年 澤 在苑中僧寺靜對永夕頗有心契知其所得

不徒在作用也為詩詒之送其還高郵

松柏青九九被蔭人所仰眾昧榮枝葉豈識根柢廣當其始出
土蟠鬱氣萬丈雲霄非偶干真性故有養與君久相知數別勞
夢想佳政每熱聞心懷愷弟長頃偕永朝夕靜對候初沆湛然
見素抱密語求象罔十年應塵機游行自掉鞅此中淡無染名
迹已知響頓覺新知深彌愧習見爽起看夜半時星宿垂朗朗
浮雲無蔽遮天風掃空蒼欲攀扶桑枝快飲承露掌願言從君
游凌虛勿孤往

送同年鄒松友 堯廷 還項城

生平好與長松侶何幸松間我友來長孺治聲聞臥榻蕭王遺
跡咏高臺薦揚 朝坐方稱最砥柱河山賴有才鬣鬣冬雲留

不住應分

天涯澗蒿萊

東鄒鍾泉鳴鶴

河陽花裏舊逢君，迭聽高名遠出羣。
朝壘全推知水事，山川已見潤膏雲。
猶思梁苑琴尊合，每到燕臺雨雪紛。

君前歲亦以仲冬至都待

掃寒松留一話，清音要使谷樵聞。

壽馬翁

子師馬生炳文之父，刺人。

欲拜山中陶隱居，幸逢令子訊庭除。
平生身體少游語，法誠家傳長者書。
最樂粉榆會真率，好看鸞鶴舞清虛。
梅花開到蓬萊驛，計是東瀛益祿初。

十一月廿六日宿閣中，次朝曉起喜雪至廿八日不止，家人大懼，欣紀其事。

槐堂舊雪曾有詩，爲洗餘疹非常施。
今年畿下歲云有，至尊深恐祥雲遲。
禱日晴空已飛霰，早見

躬恥齋詩鈔

卷七上

杆杆室草

古

杖杜軒棗

宸心協

天眷昨朝曉出雪，滿身仰視同雲護。
三殿蹇車緩策長安街，無邊詩思生我懷。
歸廬饒看三日足，快趁未晴乃更佳。
家僮聚雪作困廩，巖差積與庭檐並。
穀精堪療衡門飢，餼氣先消草堂冷。
門前掃隸聞笑聲，謂是天賜真珠瓊。
我方貯蓄築春甕，自誇藏富操奇贏。
老妻憂貧眉貫皺，雪裏欣然舒遠岫。
豫賀豐年定易居，上堂酌酒稱親壽。
阿桐讀書懶不禁，雪中頓作金石音。
長吟朗誦夜未艾，我亦藹藹娛冬心。
遲明開徑聽山屐，應有南鄰幾詞客。
呼兒抱甕撥紅鑪，石鼎試烹仙掌白。

送去病南歸

山中臘日夜烹鮮，湖上煙波曉放船。
忽觸歸心千里外，每思清味十年前。
羨君飛舉饒仙福，苦我浮沈結世緣。
倘得扁舟還入手，一竿同釣鑑湖邊。

浩然日下載書歸擔荷休教道力微保氣善斟如量酒和神勝
著不寒衣春來靜看花榮落晏起閒調鶴瘦肥雪虐風饕苦離
別蘆溝衰柳尙依依

題畫

琅玕萬个嘯天風神似簫韶第一峯倘待鳳皇天際下滿身都
惹綠雲濃

雲煙如水湧磐頭巖徑團團桂樹秋舊是山人親手植天香畱
待少年收

丹黃風日豔秋林踏遍層厓泛碧灣載酒載花歸去好粉榆未
晚鑑湖深

二月望夜直讀東坡石湖詩次和坡公夜直玉堂讀李端叔詩
至夜半韻

禁垣清夜獨遲眠翦燭看詩意悄然不覺微寒生冷屋且教春
躬恥齋詩鈔

卷七上 村杵室草

五 秋杜軒菜

夢醒真禪心如天海無邊闊妙得江山自在妍軒月正圓宮漏
永此間如展玉堂編

爲淵甫題顧南雅通政畫梅

二樹仙去居玉真畫梅今世無多子此花孤寄天地間誰與印
心香雪裏吳羹先生獨擅長毅骨貞魂痛長已生平知己吾友
張曾酒清風畱素紙落筆想見楓瘦垂傳神能令松髯喜護持
合付千秋人勝贈求歸非偶耳長安驚動諸石交爭向梅君濯
寒水乾坤春氣長盎然江漢秋陽安尙矣我曾一面私慕深幸
與銘文又題此同時更惜征蠻夫

謂徐香莊大令

老幹淋漓堪媿美瀟

湘吳越拾殘芬鄭重愛人將樹比

送王禮之

用賓

頻年江北劇荒寒窮鳥勞魚撫字難民愛寇君如父母天教越
石鑿心肝破空霹靂怒氛靜擊汰雲濤海宇寬此日 中朝拜

殊涯仙風吹送玉階端

杯酒曾將世事論傾心深契惠風溫扁舟春月洞離思芳草青衫記舊痕出谷喜看遷上郡望塵驚欲避中原南行爲語山陰

侶謂王湘浦好寄梅枝慰客魂

體孚

題茅屋靜姝圖爲汪公子
綺羅徧朱門蕭然此靜女悄坐茅屋中秋聲聽風雨霜紵續初歌冰琴懸不鼓澹泊心安悠悠更何語空山欲長隱難得同心侶鹿門遠莫從千秋渺延佇

題勞右峯丈

丙堊

藤軒憶舊圖

蘿月依依竹影斜夢痕曾逗碧牕紗先生獨繫鄉心重認取青藤道士家

此間舊住虎頭癡領取東風第一枝今日喬林引雛鳳賞花春滿紫霞危

躬恥齋詩鈔

卷七上

杆杆室草

六

杖杜軒琴

送陳子仲久遊浙中學使幕三首用其畱別韻

匹馬衝寒事壯遊詩人竟去酒邊樓欲窮今古文章窟橫攬東南山水州壇席朋儔欣雨合塵寰出處聽雲浮來朝迴首增蕭瑟澹月疎星度白溝

翻將鄉國讓君遊可惜同居牒半樓神夢欲隨仙客駕生涯偏托帝王州雲天到處堪停鶴煙水何年亦玩鷗一事更教生遠慕梅花消雪問邗溝

北寺西山未徧遊眼中秋色憶登樓誰知日下風雲侶忽泛天邊星漢舟鴻爪去畱關宿分驪歌恩遽送離愁只望料理新詩本湖海奇情一網收

送陳丈拜鄉

祖切王

佐嚴小農星使

恨

往浙勘海塘

憶昔勝衣日君詩已老成山房蕉竹裏時聽雨風聲談菘徹今古論交如父兄悠悠三十載聚首感平生

長安舊相見煙水正蒼涼道光未歲畿輔大水見於榆巢昨歲翩然至鬢髯
各老蒼愁聞詩興滅悟入道心長愴自矜人瘼間尋肘後方近君

究心
靈樞

塵海關常掩爲君時一開無言到塵境有跡印莓苔清影憐同
瘦高歌勸莫哀堂堂堂間日月坐老濟時才

近客巖公幕非耽杜老吟百端多觸耳萬物盡關心捍海資良
策還雲向故林省軒前著在柴省軒曾佐范忠貞治海塘秋水望佳音

蓮航閣長爲白華十六咏次韻和之

月畔清神雪畔魂芳心渺渺與誰論空山自抱幽人影素袂曾
沾古淚痕宛若仙風迎綽約澹然春氣破渾敦化工陶鑄從君

始幾點先飛舊冶根梅花

瀟上山樓一望穠滿城疑被白雲封向在永州一城皆李花彌漫數里每登江天風月樓

望霓裳曲想花間韻碧落人思別後容瀟源諸李與芝郭名花同一離思北地

躬恥齋詩鈔

卷七上 杆杆室草

七

杖杜軒渠

從無溫國樹南池喜與樂天逢公門栽植宜知意時雨才過趁

土鬆李花

多分天將粉本描翠窗春畫伴蕭寥含香千蝶風前舞對影三

人月下邀冷淡能安霜女靜雌雄方如玉妃嬌蛾眉不掃真名

士領取吟魂幾輩銷梨花

慧舌貞心契法門清疎端合傍琴尊牽情每與春風蕩識面先

愁夜月昏遲暮悲涼香不斷色空悟徹玉無痕自從古屋銷聲

後十八仙班世漫論丁香花

玉妃玉女宛然來疑到瑤峯頂上開招隱有亭雙樹古遊仙入

夢半天迴香車小集風畱佩金粟前身雪作胎不是益公精鑿

別多將揚楚動紛猜玉蕊花

佳客招尋玉秀球東風向晚卷簾鉤杖頭霏雪迴仙蝶水面圓

渦起白漚絳繚不矜千色豔玲瓏誰比十花稠倘教一蹴經飛

寫定有香塵動馬頭秀球花

莫說人間輕薄花譜來頭豔羞羣葩捉時但藉兒童手飛處難
禁仙子家入水翻空真似雪當風吹亂更如麻知君素用修持
力不任心隨紫陌斜柳花

徧山楚楚動芳名呼鄭呼瑒作麼生饒有餘香車外送遙看微
雪嶺頭明綠翹曾侍談元席白墜應聞屑玉聲須記涪翁題品
後春風千里不勝情山礬花

六出八出諸天香霜枝雪枝開滿塘空山無人抱仙骨白衣入
道羞凡妝談禪舊作曾氏友解意幾見徐家孃稱此丰裁擬階
品水精域裏好爲郎支子花

綠玉扶將姑射仙亭亭獨愛嶽池蓮渾忘諸色空明地不染纖
塵自在天出水瓊瑤神愴矣懷人風月意超然每從瀛海紅霞
畔遠憶苓香一瓣鮮永州芙蓉館先子舊植荷其中苓香
社即在其右昔嘗朝夕于此蓮花

躬恥齋詩鈔

卷七上

杵杵室草

六

林杜軒采

小南強蒔短籬南香滿鬢華萬玉簪蘿月乍生疑麝過茶煙微
散聽蜂酣芳心淡處偏相暱清味濃時祇覺愁高致曠然誰領
取用紫陽詩意可憐采摘上筠籃抹麗花

妙莊嚴地無纖瑕仙人跨鶴山爲家種成豔雪趁秋蝶插徧宮
簷驚晚雅露氣未消風翦利檀心無住月鈎斜青閨不嫁須搔
首寂寞人間季女花玉簪花

秋雪霏霏颺玉津似吹風絮點溪蘋飛同北塞雁聲疾澹到西
山黛色絨水國蕭侯空假節霜汀漁子薄加苗年年此際江亭
望闕盡天涯落拓人蘆花

金風吹淡十分黃羣玉芳開太古藏烏恰乍攜三徑酒鹿籬新
染五更霜蕭疎曾識山人貌高雅偏宜素女妝晚節善持塵滓
少何須更效辟邪囊菊

向暖晴沙氣漸和黃磁作供小蓮多騷人夜泣香寒露神女朝

行踏素波雪壁梅魂因玉笑
璵窗蘭氣爲冰呵青天碧海閒來
往許上瑤臺白玉坡

水仙花

顯氣鍾來天地清凡名不與眾芳爭
偶聞仙蝶經三島但見香雲壓五城
世外春韶容我貴人間月旦許誰衡
笑他幾輩珠宮婢敢向飛瓊浪竊名

瓊花

題王雨亭循陔圖

陔草興人孝王家有令孫風霜護遺植
辛苦守清門待展雲間翼還思蘭上邨
尋常誰寫得此事獨推袁

圖爲袁桐所作

贈舒蘇橋同年

夢齡

就日坊西舊朋侶十年前憶長安
雨君與高樹向先方最親故

人嚴子爲之主酒酣一坐羣起舞
君獨懸河放諧語病余愚直

輒相戲欲以荒唐破拘苦自言得志
將縱情良金美色恣意取

嚴子鼓掌笑不休余尚嗒嗒煩諫阻
當時優謗迹已陳回想風

躬恥齋詩鈔

卷七上 杆杆室草

七 杖杜軒萊

流感離緒自從君登白玉堂至今作
宰古帝鄉聞人說君政聲

好明如秋月清如霜淮泗之民蹙而
野字之馴之有義方提攜

每出水火厄悲憐如惜孩嬰傷上官
謂君辦災手境外赤穉爭

相望清風入耳瞿然悟大服嚴子知
君狂昨朝再見話治狀君

但嘆息心未央一分心力一分補補
不及處空倉皇仁人之言

藹如也足使寒谷成春陽淮壩水患
今甫息

天子咨問恤飢吐 殿廷對

命慎勿負送君速返平瘼瘡愧余蕭
瑟處散地徒苦橐筆 軒

墀旁安得中原並馳騁與君援手重
激昂 題潘少白翁寫梅

安得無塵地長容太古花轉移宜遇
主開落惜誰家植性愛純

潔托根愁或差超然人境外清影月
鈎斜

有道如翁少寫花真意同歲寒交最
耐春到筆能工靜室舒元

氣深山養素風一枝倘相贈天地在爐中

題周小棨同年其懋春明話別圖圖爲王鷲客所作

翩翩令長辭

皇都爭壯行色豪華徒異哉周郎整且暇瀕行獨索題新圖圖中先有馮子作用意悱惻言嗟吁次山少陵古良友視此相祇真純瑜閩中在昔富儒術鬱然正氣蟠扶輿其民負性士篤業能令有覺原無愚石室遠矣厚庵渺百年古道悲成蕪海濱隴上浸囂競氣失所制情乃殊近聞昏萌剝幾盡窮冬閉蟄還根株逃刑易罪俗變革人心官守澄泥汙庶幾清白不違衆漸復理道羞相誣周郎周君子儒此去立志超頑懦幸當風會大可轉追緬賢哲將安居別時話言定相憶別後消息休來疎故人瑟縮老日下願從萬里聽聲譽

題永昌周雨亭太守謝吟稿

躬恥齋詩鈔

卷七上 杵杵室草

辛 杵杵軒葉

真心爲治卅餘年和氣時流大雅篇悱惻歌聲擬元結從容邊部過任延風謠耳熱丁當嶺雪玉聲飛安樂泉早識山中盤錯久不慚清節對重天

道國儒宗多碩彥治才推重兩詩人一爲芸皋大雲獨洒蒼江雨萬

里同行碧海春文采都應鑄樂石羽毛今並出風塵節樓持近濂溪里他日齊名好比倫

寄懷周宣史大令易漢

雪苑三年別意深青鐙獨照故人心中原父老歌慈母天末交遊慰好音遠莫登臺進春酒窮來投閣似寒林却聞夫子勤修檢蘭室無勞寄寸箴

壽人集放翁三律

白髮當歸隱琴尊樂性靈湖山今入手猿鳥共忘形章甫從諸老溪園半醉醒閒中有富貴盥濯誦黃庭

學古得全功流年嘯傲中
新春有佳日杜學教兒童老子居然
健園樂一笑同還嬰吾所證人看作神通

身備鄉三老胸中頗浩然
書能伴孫讀他日要人傳偶逐漁樵
往猶同總角年老懷常自笑莫雪醉江天

逆潘功甫前輩還吳中
時省待都下病目謝喧
飄然遂歸不得一見

秋感無端已十年憶君心賞舊詩篇
鳳皇久去青冥表扈鷄空
棲碧樹邊沙月昏黃愁別侶
岱雲隱靄想飛仙
君甫遊太山來
到京以目疾謝

客暫來人海偏收豚伫望清輝一悵然

夢夢塵世得醒無早覺
先機抱智珠靜裏天心參佛子
君素耽
禪寂

閒中王道話農夫
君新於豐豫莊行
區田法著有本書
危瀾振柁流方急絕壁蹇

衣跡甚孤應許相隨荷耒半生已坐石田蕪

寄周芸臬兵備臺灣時寇甫平流亡未遣散公往安輯之作海

燕行

躬恥齋詩鈔 卷七上 杆杆室草

三 秋杜軒栞

夙聞海上燕多緣島嶼栖營窟足自安
銜魚哺其兒突爲捕者
驚生心變械機逞翼啄人目鉞險投百羅
一時紫領羣四起憂
無歸亂後保殘疾鳴嗚相呼啼物性豈
彊梁激憤由人爲誰拓
長養心覆以皇天慈款款繡裳來
遵渚歌鴻飛湯網旣以開矰
繳亦罕施鷲悍行且馴況此雛
鷺遺海濱斥間疇縱使銜春泥
倘爲歷山芸燕麥生離離食宿俱
無猜戶牖還相依使君本仁
愛萬物同恬熙自此物安生生物
物不知放諸東海東福澤無
垠涯庶幾贊淳化伫睇鸚鳳儀

寄懷陶子堅 時亮

從軍却在散軍時浮海功名藉手奇
才重東西周玉幣氣摧十
萬漢旌旂開屯待上營平策保任
方收杵白兒憐我乘風徒有
願蒼茫秋水動長思

鹿耳鯤身戰迹多屢煩橫海指 天戈忠魂已古悲長夜殺氣

難消激大波漫告蕩平千里關須知風化百年摩願君好在諸
賢達馴養蝦蟇樂太和

贈友人自越來者

霜影離披菊瘦生故人天末動離情長春樓畔月孤照夜半忽
聞鷺鶴聲

夢憶家山又十年羨君詩樂越溪煙舊巢風月今誰主孤負騷
人訪戴船

瀟湘一去聞邊警阿閣長栖怏苦寒春夢已醒天欲曉放舟滄
海下魚竿

躬恥齋詩鈔

卷七上 杆杆室章

三 杖杜軒栞



愛業宗安惠校

大旱時作補入

十旬十雨太稀疎朝右何曾變理無

聖主齋心清庶獄大臣救敝進訐謨疑侵白道義驂迅欲濟黃
圖舜井枯仰首青冥憂莫問卽今誰是董寬夫

十二月初十日雪中直廬詠懷

詩吹生陽和化機正潛轉天人訢且洽春前雪澤滿香煙升灝

虛瓊玉積宮苑省槐能耐寒森然傲孤幹忘飢鵲殊喜被潔鷺

逾遠階前靜無聲萬里釋歎惋感瑞既具瞻譁幻自知返先是

有謠言黑青見景山狀如大鴨仰卜來歲康無癘亦無旱優哉復遊哉高歌樂

歲晚

都溪行寄李千之

潺湲都溪水遶岨皆清流靈氣所凝結實生英彥儔今年春耕

初烽警動蠻陬九疑作戰場風鶴驚勦獲巨帥輕喪師方鎖寡

躬恥齋詩鈔

卷七上

杆杆室草

三

杖杜軒棐

雄謀仿溪寇幾偪肩睫蹙殷憂幸有數君子一旅團干擲盤山

衛先壟屯戍仁孝周悍賊數萬人咫尺迴銛矛嚴備故應却逼

德何尋讎我友氣益奮搥鼓呼同仇麾軍斷其尾鍊銳衝其喉

羊泉大斬獲果毅深相勦功成豈望賞談笑毀吳鉤歸來任綬

撫安輯羣獮酋非種盡誅夷良苗加喫咻活者千百計羅拜都

溪頭昔知我友深翩翩文且柔防患慮未足關情多遠愁豈料

樹奇勛迺賴眞儒修逸聞頓起舞快耀思踰溝老兵臥花下翻

恨辭邊州長劍空自倚秃筆那能收勗哉勇過我私願從子游

況君步武誰維蜀青天劉

躬恥齋詩鈔卷之七下

會稽宗稷辰天田

杆杆室草 癸巳甲午

黃金臺懷古

臺上黃金臺荒天野積臺成灰莫上黃金臺斜陽慘淡寒蒿萊
臺空金散仙人死古鬼長呼燕太子三千年變文戰場大旗高
樹邊雲裏徵老將驅屠夫一呼而合如羣烏奮勇過賁育博賞
徒鎬鉞餽不及斗升飽名不及丹青書吁嗟養士胡為乎何當
拔木薊門搏土督亢重築高臺千萬丈招來天下真英雄珊瑚
寶玉從 天賞

送舒蘇橋還泗州

五百年前雲樹鄉誰其治者楚之良初心潔白盟秋水清寐神
明動古皇間左漸教風俗好天邊頻挹姓名香與君本有平生
躬恥齋詩鈔 卷七下 杆杆室草 林杜軒案
誼况復遺虛仰末光

羣山環秀淑涵清南望辰中間氣橫舊感關河真樹立

諸樂園先生

新知汝穎永名聲

君與仙舫遂為銅響

才經百鍊光華出遇到

重霄羽翼成迴憶舫齋談謹日恢奇早識應星精君素善吟有曼倩風仙舫獨云蘇橋多度

言他日能知權而不失其正必此人也

題祝雲驅侍讀所作 宸園紅藥圖時 苑中直廬初落成

春

泉曾於閣中隙地補花補圖縮榻徵詩趙鹿樵於遊君山莊直廬為圖

晴雪才消已暖風春華劇憶鳳池紅翻階麗影分明在種玉芳

心宛轉通 紫苑香分詩夢淺黃樓勝入畫禪工何妨小展絲

綸手補蒔東臺第一叢

明時閣中有石臺種芍藥

清才絕豔好追摹不似秋容向晚暉江水隔屏寒欲怯露華凝

檻弱難扶遙知黃透瀛洲柳乍兒青抽澗澤蘆無限深情托豪

素簪花勝事待誰圖

狻變初定千之屢惠湘管賦答以謝

古樾連理已驚摧聞去冬虞陵古杉多傾折難得尋將賸竹來風動帝祠猶

有泱發銷壘等不能蓄狻寇本欲踞此君出險常持節吾友多

情倍惜才莫為靈筠傷幸草書生曾掃楚氛開千之際飛階九皆以義勇立功

與李枚石梧長子

芋香館裏春風舒佳兒垂髫能讀書頭角嶷嶷容愉愉試為文

辭已特殊春秋人物受鞭驅余翁若翁兒姪如見之狂喜呼龍

駒翁有袞師不自譽伯兮何肯徒揚揄望其志為君子儒充養

德業升雲衢勉旃勉旃事三餘

適見人記蕪湖鐵工湯鵬擅鐵畫之技戲為二詩貽海秋

偶憶蕪湖鐵畫師姓名先得海秋奇疑將屈鐵無雙手幻出驚

鋒駭鏽詩

繪鐵於今成絕學小時外家會見湯氏鑄詩似子信良工剛能

躬恥齋詩鈔鐵畫今無繼其業者卷七下打釘堂草

繞拈為時用多少祥金泣冶中

驚蟄日禁中聽雨

靈雨喜初洒春霆聽及時翠含宮柳早寒盪液波遲民事春勸

趣天心薺麥知却思鄉國困我

澤望平施

聞端木鶴田子談易賦贈

說易之書充屋棟誰能破空脫漢宋舊聞劉翁零陵芸莊丈著易悟與楊

子武陵海樵子著易發說滔滔清言掃塵霧語根孔翼無附枝心悟義圖

如破夢近年始親鶴田叟日以乾坤恣妙弄元黃雜陳羅指掌

陰陽旋復勞目送汲從古井生風泉熟比大丹融雪汞用集韻長

飲一爻夕酣醉臥時畫肚醒還諷書成慘澹神增穉不問空澆

少餘奉辰也恹恹何所識但好握著誠默控喜聽講論來天外

真覺彌天無綫縫瀾翻大海吸百川底事江干挈春甕微君告

往曷知來願學言詩君祖贛

與陳筠心談話有契贈以一詩

春陵雅愛窮禪客越水重聞證道書一瀉懸河開滌滌半空霏
雪舞蕭疎當頭了義應須徹透頂元關總是虛多感髮心勞指
點少時纏縛待誰舒

貽家東江州長五十五韻

泗濱舊桐樹葉葉零人間隨風各飄墮其散如雲煙昔遭楚逸
民族倫惠與連比鄰七坡居高誼相結聯儼分骨肉愛扶持我
困顛斯人條以往此情深潭淵向者烏傷叟遺芬誦椒蘭曾以
先世親沿波溯同源思涉涇之涓與瞻古客顏江北望徐州嶧
山湖所環或寄漚是鄉未免言空傳南遊度嶺外八桂希臙巖
殘香何緣擷弱幹凌斧斤誰知斧斤餘乃被天心仁秀氣鬱巖
岫文采照閭門祠祧遠莫追永爲公侯孫離江斷復續如綫縈
躬恥齋詩鈔

卷七下

村草堂

三

杖杜軒栗

纏緜倚伏理方悟盛衰迹難論鳳池有先輩其後困籬樊招我
遊碧虛偕躡天根雲引我觀里塾者儒率英賢各出應時藝彬
彬展羽翰惜哉未深攻曷辨長若曩惟有敬向齒不敢率齊肩
清河暨閩海兩翁夙慕欣老蒼遽凋盡晤語無由敦近有嗣音
者翩其翔且騫欲問先蹇澀無因慎攀緣頃聞東江子萬里來
滇濱頗知凡賤名素習朋儕云

君知余以黃樓蓮史

閉門坐幽寂爲君一

矍然假車城東偏叩廬城西闥乍見如舊識宿契交以神浮譽

豈足道實詰何煩詢了無他技能所有祇心肝世鮮毫髮裨動
覺痛癢真愧以庸陋安臨汝藻鑑前羨君淵海量包涵大無邊
理晰牛毛微算握禽遁先於書絕津涯旁通窮帆轅志不惠不

夷學亦聖亦仙宜其養和氣優乎自沖閒走也望已卻既竭空
無端身疑面三壺卑視塵境山又疑入五都大索慳囊錢幸不
薄寒儉得許附本根願從汗漫遊縱目快奇觀化吾執滯癡盪

之汪洋寬昨聽陳子說如聽齋鐘圓謂鐘心不日又逢君超妙

考功

入虛名使我攻苦手猛覺舒兩拳欲便舍所事長與樂盤桓盤

桓以忘老嘯咏山中年飢食耦耕粟寒衣家種棉庶幾道不孤

弁期室可蕃托庇自今始遙指江南邨

肅甯苗仙露以君子館輒及開元時河間獻王祠瓦拓墨以聆

為題一律

古館名聞自戰場相傳遺跡肇賢王烽煙歷劫窮遼宋陶范千

秋曠漢唐宇宙尚留君子字英才舊聚聖人鄉須教北學從今

奮莫似秋風弔未央

題王硯農講易見天心圖

清寂寒山裡梅花何處開澄心渾太古放眼失纖埃易溯易前

遠天從天外來知君闢道者試候管中灰時長至前一夕

題理邨綠杉野屋圖忘其姓名必永州人士

躬恥齋詩鈔

卷七下 杆杆室草

四 杖杜軒棊

冷湘深處綠干行早合幽居作老蒼只為數椽無地築來栖

宮樹越滄涼

種樹書成隱者心避人何必入山深郊行隨意尋君去記得森

森屋外林

章繼軒丈復旦 覲旋以便面索書為詩贈行

曾憶

先皇甲子年間門舊執聚才賢是年山會兩邑南北膺十九人

邑人可知者靈光一柱留春殿虛翼幾星明曉躔翼廿一星廣

坐風流欽長老滄州遊宦自神仙南行為活蒼生去鶴背甘霖

下九天

送陳東屏南還湘中 看各翰循績特著拾最來 覲

見君永州梧桂陰聞君道州謳頌音次山粲粲今似昔七泉淵

淵清且深比因疑岳烽煙侵改弦更張媯帝琴拊摩瘡痍釋刀

劍醜釀膏雨銷祥祲秀民何李善稱說聲滿我耳浹我心頃逢求賢

召良牧鸞鳳遠集丹楓林朝迴 朱殿喜相晤猶述

天語申官箴頻煩車轍枉蓬戶團瓢短榻欣開襟時當三月柳

拖地離筵起折干絲金君行在布春澤渥念我執戟空浮沈深

情繇邈遽爲別遠道低徊那可禁安得隨之涉湘水廿年遊跡

重追尋

題楊雪椒兵備丈金陵策蹇圖即送其分巡蕪湖之行大名慶琛

鬱然望中遠秣陵秀江山生平屢往復風雨足躋攀每以苦行

役未得少盤桓積願與孤往詩情馳吟鞍頃見我文圖深獲我

心先想當豪宕時意氣凌霄煙濟時有餘勇登臨窮大觀幽探

雲霞奧雄視龍虎蟠鞭梢隨意揮古跡生流連鼓花弔廢院美

酒沽長千痛飲傾百觴浩歌動萬年圖中曷未及曲蘊高深間

躬心齋詩鈔

卷七下 杆杆室草

五 林杜軒棗

但寫茂樹陰歸騎春風前自從歷華省清夢時迴環舊遊伊可

懷展卷心悠然獨聞老蒼輩相與再三歎海內幾詩星淋漓垂

名篇往者慕芬馥謂賈谷南雅兩先生郭蘭石文存者愛才賢賤子快讀之如

到最高巒攝山有最高峯仰觀紫鳳皇翱翔清涼天雖憾未追從兩腋

殊僊僊頃喜送丈行直指斗牛躔青赭隸各岫涇湓匯巨瀾轄

境足明謁幕府遙縈聯官程道所由重來有餘歡誰能愜襟素

乃復榮旬宜靈淑通性分流俗稱因緣天方縱之游無涯初飛

騫會建十丈旗揚風疆宇寬大江以南北統攝歸驂壇壯哉期

古人溫謝若是班行將續修轡拓筆青雲端

壽春陵李母鄭孺人七十從其子含馨請也

昔我遊都溪十步聞香草遠儀矢絜賢近式懷清媪聿有貞女

宗鄭氏之先有歸李氏陶節螺卿潭者怡然北堂老誨子穀似之含馨乃嗣子恩慈過

提保弱冠登膠序能采芹與藻開閭喜嘉客留謙出蠶菴最樂

聞儒風所期親古道馨也昔相友久乃益傾倒其時母方艾安
頤比胡考前年告有秩松寒白日晴近得桐孫生遙知蔗境好
壽臧舊有識延長固爲禱喜今覽春暉增祿在蓬島燕雲多古
翔氛祲亦以埽含飴弄雛鳳霜髮娛繡襪自茲康強身神明富
三寶借去湘中羈無由獻桃棗作詩陳高堂聊以寄懷抱咏言
願無窮百歲頃猶早

荅寄李樓山見懷次其韻

酒國詩鄉樂有餘山中猶報故交書羨君白雪真離垢愧我緇
塵久染裾望到九疑愁目極音傳千里喜眉舒年來荒落何堪
問舊業悠悠老不如

鄉郡一首

鄉郡聲謠近浪傳人心易動是荒年水門星宿疏涵海沙岸風
潮慣上田裏箸盜多懷有壁時官鹽貴至每斤百文私販充斥多罹于獄捲堂僧散

躬恥齋詩鈔

卷七下

杆杆室草

六

杖杜軒棐

寺無煙

聞靈隱僧眾漸致逃散

憑誰更借媧皇力補地神功勝補天

風霾書悶

白日淡淡風沙飛天容何事黃復穆豈聞吳越苦人瘼抑見近
旬多愁嗟兼鈞不思風化移愚昨貿然蹈法機蒼公臨鑒在咫
尺定恤民疾紛難治安得上訴九閭告治本和風載颺甘雨滋
十行寬大自

天降覺乃昏頑拯溺飢立蘇萬物嗟怨泚幸勿束手稱良醫

偶書漢武外傳後

牖裡偷窺白玉環小兒狡獪惑人間仙局從此雲深鎖休問桃

花弱水灣

南石先生病中賦呈

孤負春風十二年薄才獨立故依然愁將面目勞憐問空有心
肝念痛痛知遇雲天高海內夢魂雪夜到門前更無慰藉東山

事燕市長摧馬骨堅

蘇湖治事舊相期私負平生得受知
鑑悔迷離安車已息邗奚老執戟難
辨悠悠泛梗欲何之

六月十九寄懷王亮生

鑒

洞庭之山神仙居瓊巖瑤室多寶書誰與讀者亮生子目極萬
卷天所儲昔年聞君論鈔幣手握長祿籌寰區今年見君攷地
理胷羅列宿明方輿濟時憂樂在天下所忘豈獨名通儒近聞
徧遊皖越墟潛衡浙漸跡不誣往來東南抱沈痛把卷欲廢同
號呼我方肝膽少傾嚮乍飲此語如醜翮望君旦夕爲世出尙
得同志商良圖君今有弟歸其廬相逢山中樂何如淮南桂發
香萬里秋月正員光滿湖凌風好便振羽翼快哉軒舉毋紆徐
表翁趙雨幢新遷建甯參軍索詩扇因寄三絕句

躬恥齋詩鈔

卷七下

杆杆室草

七

林杜軒棗

會稽南部鄉邦近上佐新除簡檄催料得雙鳧飛到處仙山早

兒碧雲閒

秦關明月久相依灞上春風遽欲歸一路垂楊惜攀折好音試

聽谷鷲飛

雨幢久於陝中

迎奉安車度霞嶺雙親筇竹不須扶甘將龍荔真仙味好寫瀛

洲眷屬圖

悼穉

披紫者誰子掉頭回碧湘幽燕白日盡芝蕙黃溪香八年遊漫
浪一夢醒蒼涼料得龍潭頂無風波自揚

憶蘭吟爲周雪帆作

雪帆名用錫山陰人道光五年舉於鄉歲己丑邑館聚處始

聯爲藤軒之友雪颿力學好古有志節矯矯於庸眾乃以堅

苦致心疾疾久不愈以癸巳臘夕卒於館年僅卅二深悼惜

之作是詩也

同岑有芳蘭鬱鬱抱貞素高情故幽曠良日非遲暮縱不豔春
風胡為條朝露叢生彼眾草薺蔓紛無數幸逃當門勑偏挹行
潦注嗟爾芬烈性坐使窮愁錮莫勝松拒寒乃恥葵傾煦蕭然
在冰雪摧萎歸何處頗怪天生才奈何忍加怒抑收英靈歸俾
脫塵埃汗荒茫理安究化工淡無語悵對惠風前歛歔感枯樹
貽泉芝公子

太陽方向冬卽之自溫暖雖苦風霜摧寒威亦應緩東桑失何
補西榆收未晚長抱心般般良憂日短短勿學蠲忿花背陰獨
悽惋附信辱以某頌一劊子重加郵問且為慰譬感佩所言替
庭垂老少懼宜起敬起孝息息求回天心則無不可迓太
和之休云云

題吳紅生舍人九日秋望圖用其尊公香亭翁在武昌九日詩

意圖戴古士
辭士所作

躬恥齋詩鈔

卷七下

杆杆室草

八

杖杜軒棗

茫茫秋色百年去惟有秋心似昔閒愧到籬邊問黃菊遠從江
上憶青山風流逸事煙雲外日下散人葭露間為聽清芬觸離
緒臥龍蕭瑟舊柴關

散直看花曾此日秋風凝望蕊宮閒

去年九日為同人候秋臚

劇憐春送幾

絲雨又苦夢尋無定山萬事蒼涼虛牝裡半生清瘦短籬間城

南花寺遊塵動寂寞應嗤老閉關

此稿舊存只上六句此結句乃甲午春續成以不及向紅

生另抄耳

徐蓮峯

寶善

聞余臥病窮愁餽以藥物又勸余借佛書遣悶甚

可感也率書一詩謝之

東海昔好賢士爭同巷居遠孫有遺風樂善襟懷舒詞壇仰主

盟晚見隨于禹惠我玉山編

尊甫閩齋先生詩集

示我春禊圖

康熙中諸耆宿脩稷

圖藏徐氏近更蹤跡親咫尺鄰寓廬嚴冬疫癘滋元亭墜童烏闕君

亦多感厚意偏恤余深念處顛連敝巢傷卒瘡辱以藥物將重

爲愁病扶謂空志煩惱須用瞿曇書愛推逾骨肉感切淪肌膚
豈無他友朋古誼誰更如顛回黍谷溫奮起僵臥軀莫報高天
雲徒寫心區區

躬恥齋詩鈔

卷七下

杆杆室草

九

杖杜軒栞

甲午

赴西苑途中見馬上攜折枝花者及至苑則花已盛開得絕句
二首

小牕綠到丁香淺乳萼紅馳甲騎纔怪道閉門春不識苑西桃
杏早爭開

春陰漠漠悶人天愁傷花邊與柳邊多分東風私草木不吹滄
海避桑田

春淀

春淀吹細鱗鳧雁皆歡喜才動釣絲風悠然欲飛起

清明卽事

果然斷雪到清明昨日飛花見滿城芝蓋風飈寒仗馬杏帘雨
凍溼啼鶯撒鹽東海何堪擬種玉春疇尙未成深念化機舒復
慘

青壇默繫

至人情

聞沈牧垞聞蝨語戲調之

人處天地間渺乎一蟻蝨天聽高萬里蠕動徒聲息以蝨緣人
身其勢偏且暱毫毛見非爽喙映聞偏寂頗疑車輪似音待焦
薪識又擬琵琶絳響豈么絃絕沈子遠思聰觸耳窮杪忽蟲語
侵孔竅物類商噬嚙敢窺丹壺天豔嗜文人血或圖踞襟帶或
計乘肘腋喧同蟲聚雷細過蟻鬪穴異聞昔曾有幻迹良偶出
應可教詞賦非徒解繩墨君才本恢奇博奧恣怪譎盍淨一切
垢不滋衆生溼無聲亦無臭天君靜安宅絮述資矇談請質廣
長舌

奴子誤傾醋入茗日占自嘲

年來慣味壘如蜜今夜偏逢醋點茶笑倒寒酸老居士梅林消

躬聰齋詩鈔

卷七下 杆杆室草

十 扶杜軒葉

海勝春芽

此詩成阿稱見之微笑兒非絕無生機者其死不可解也乙未二月初十日記

壽江翁

善人世殊珍稀年世上瑞二者理相同仁壽元一致近歲江漢

饑噉鴻苦憔悴誰助

堯天仁爲展堯民義江翁獨奮然于物大有濟難得阿婆心矜

憐有同志穆行如耳鳴何嘗計陰施天佑積德門扶兒踐清秘

既廣夢澤波兼資水火備重重

兩次敘義

褒錄恩光間顯敦懿

願此翁與媪樂善到百歲非徒昌子孫長使福詒穉獻筋壽高

堂公言布私誼

題馬小林丈怡憊圖

小林老人年七七健趾如風日如漆日向長安勸濟人退老尙

憂人疾疾蟠根鬱鬱千丈高靈椿挺植連雲霄春風滿庭幢蓋

碧蔭披叢桂如兒曹昔年撫字爲慈母汝頰之間流澤厚清白

攜將付嗣音 神明頤養福遐壽 鑑湖大好歸去來 種秫釀酒顏
長開山中坐 聽好消息有子已稱天下才 令子少蘭方官農部
清勤廉幹見稱於時
此詩舊已刪去因念此翁喬梓既沒採枝又哀其長孫死武
昌之難尙未有承郵者恐無以彰其盛德故附存而記之
暑雨不快偶書

晴雨美昏書 蒼蒼無定形 黈痕紛黑白 虹氣變丹青 孤鳥不能
止 亂蟬那可聽 誰吹落梅引 淒絕問湘靈

默園劉丈 肇紳 移比鄰 招陪吳美堂 師 孝銘 食燒筍卽席賦謝

使君昔居竹箭鄉 千畝久已餐貧營 使君今來 五雲際地少

竹萌思竹味 都城西南土性和 近來漸蔬叢 篁多筍廚晚 采極

珍重偶供清品煩 糝羅浙中遙憶禪 林竹白煮紅蒸竹如肉 四

時不斷登齋筵 帶露含煙隨意劇 不圖北饌用南庖 默翁庖人
自稱絕學

鮮苴迭出加籩饒 連槃請益取弗竭 足解素饒忘老饕 草廬門

墻筍班富 川 得侍席間列左右 主人貧比一錢清 愛客情深資

躬恥齋詩鈔 卷七下 杆杆室草 十 杖杜軒栞

悅口居易不易俗 狀無 君齋曰居
易居不易 大嚼豈必貪花豬 從此京華

廣食謹添種 琅玕十萬株

初館餘山撫部家 東齋題其顏 日時術堂爲紀一律

李生 謂石 蜀道節新持 讓我臬比攝 講師素識鳳 雛才出眾 謂
所

教長 應同蛾子術 投時臨城南 面觀書富 地適面城
架多藏籍 設帳東頭

就枕遲深愧 難兄荒落甚 何堪教法效 規隨

六月初四日 自館還寓北鄰劉青園兄 師陸 過談少頃而三兒

生遂以鑑保爲乳名云

三日席未溫 吾母名何速 上堂亟相告 汝娘將坐蓐 北鄰青園

子過我聞剝啄 幸逢德星臨 豫兆英物毓 啞然聽啼聲 雛卵新

出殼時方將 哺候日色在 屋角母喜又得雄 寒門掛弧鞞 願如

鑑翁家 岐嶷列喬嶽 氏兒古曾有 寄名庶易育 保之俾長成 蒲

盧堪似穀亢 吾振鷺宗 盛比峯龍族

悼桐兒六首卽示從子之杰冀其身強可力學也

十七年前失怙時先零陵公棄養五月而兒生有孫賴博母心怡忍違堂北

忘憂樹頓折階前結乳枝動息那能輕割忍晨昏誰與代追隨

自辛巳歲余自永州扶藎還越明年入都又明年歸治葬事嗣是屢上公車皆頌兒承權膝下何方藉止無涯

慟差幸天貽襁褓兒時幼子鑑保生甫四月

生來氣稟弱堪憐三歲驚甦漸卓然三歲時患驚風得勵吾蒲復初兩執友治之而愈

柳搖風偏易長芝栢畏日苦難堅兒雖瘳而甚修方期災害離童運兒

初陳丈楓階為推命言童運不佳過十六當身泰豈料摧殘過厄年兒命多火今歲逢午又會九月戌而以暑

疾亡鼻準圓垂眉目整不能中壽固疑天

少小無師事從兄詩書大義早能明隨來京邸初勤學勉作文

詞漫欲成兒學時執往往有古文筆意作量力未曾嚴督責抽

思每慮費經營每逢好句心私喜追憶長教淚暗傾

榆陰初聽雀雙雛小雀先傷大雀孤穉兒前歲痘殤稱兒甚戚痛弟始增心

躬恥齋詩鈔

卷七下 杆杆室草

七 杜軒棧

結轡憂親潛計硯荒蕪余食硯數年每苦不墜兒頗深慮之長安珠桂籌誠熟兒

讀書暇頗知稚齒半驪見亦迂渺渺羈魂竟長逝空庭寂寞有

誰趨

書卷飄零逆旅中半歸流水半江風余藏書分攜南籤題舊屬

童烏慣檢點常愁脈望窮五笥浮沈隨泛梗杭州運艘寄來書

一經蕭瑟殉枯桐無聊尚計收餘燼直待傳衣付季通

阿咸新自嶺南來子立孤生大可哀自先雷州公歿後伯安晴

世四姪僞垂盡書田思補種半頽木本願深培三更諷詠消吾

痛四壁巾箱任汝開偷得學成攜幼弟乾坤生氣動寒灰

十一月十一日夜思亡兒沒正兩匝月矣悽然志慨擲筆淚如

雨下

生時煩惱死悲啼魂氣安歸去路迷果許依依傍親舍山僮火

宅試權栖因兒屢見夢子家且聞音響知其甚不願死故徇其意以慰之

六葉宗祧擔萬斤顛連無計乞蒼雲何年盼到孫枝長與爾深
培化碧墳


躬恥齋詩鈔

卷七下

杆杆室草

三

杖柱軒棊



受業劉思庸校

松瓢草 乙未

乙未歲作時有萬松陰裏一團瓢之占故虛擬而名之存
四十三首入丙申得十四首

篠園同年爲杭州教授善養其母魯太夫人頃以八秩徵詩爲
賦屠夫子行 名湘之

白華絜白華黍豐人子養親兼致二者養始隆不羨列大鼎考
鼓鐘羨炊仁粟善米爲親供屠夫子身出明光宮毅然陳爲就
養計乞得冷官乃隱湖山中吳山逍遙湖水溫融奉我壽母洗
腆歡舞不知道之窮母德今禮宗兒學今儒宗生徒踰踰隨其
大師來獻其觴泮之林下鳳皇和氣一庭生吉祥孝慈所化矜
佩淑疇弗執禽宰豚登高堂壽母聞之嘉彼士風展兒齒動笑
躬恥齋詩鈔 卷八上 松瓢草 一 林杜軒棗
容八十老人宜福康屠夫子長爲嬰孺樂無央噫嘻我亦養親
者胡爲鬱鬱久居此未得奉母還其鄉

謝去病惠竹式墨卽以寄懷

墨君靜素如竹君卽墨管城同策勳刻竹於墨髓且笑要使蒼
壁生青雲雲和先生入山去畚以贈我意懇勤初疑畫軸展愈
纈外襲香草中殊芬修者琅玕博玉版森列左右何纈紛知君
寶善善守墨欲我虛心同契元此竹超然生福地燒松礪黛供
奇珍波翻東溟勢萬丈文垂南斗光千春深期師道紹安定更
羨游跡追軒轅予亦素懷在冰雪從之不得悲離羣長安賣字
聲賈賤不若壇席山中尊此君來時甚鄭重良思襲用投溷藩
惟有蓄藏待噓吸聊取臭味通靈源他時若遂巖壑願請與偕
老依松筠君聞我言應許可別來洗沐還無塵

二月初四日往直西苑道上見遠山有雪色風來極寒車中賦

此

底事龍公作手生幾番撰雪未能成
遼山猶幸見微白近甸似聞愁
老晴麥隴淺翻遲夏種柳枝空
噪半春聲井中莫測天何許且
自驅車大道行

次日直廬得雪喜作

夜來踏地殊寒生曉起看雲將
雪成搓絮真教萬家煖焚香但
祝三日晴蕩蕩乾塋消沴氣
邨邨農牧動歡聲今朝

堯舜應無病仁澤喜如春澤行
時聖躬新愈

題范鐵笠丈澍心史百咏後

義山豔體劇迷離太白遊仙恣
譎奇三百十篇遺恨在二千餘
歲古人知照姦筆舌然犀赫
破俗心腸引鐵蕊幾許風瀾談
笑盡停琴倚枕息東籬

病目新愈借劉西園同年登眺
昆明湖有作

躬恥齋詩鈔

卷八上 松瓢草

二 杖杜軒菜

病眇洗柔菊匝月猶無功
今晨約良友放看湖山東
春水綠如汁濯我雙青瞳
渟時極清曠一掃煙雲蒙
洒然心神俱纖滓不挂胸
頓覺絕障礙遠跡窮蒼空
舊時憶秋眺老柳吟西風
三年此刮日舍聯逢韶容
日月所沐浴幸發愚臣矇
庶幾親高明漸近天光融
延伫重回首宛在三壺中

為人贈太山巧人魏致和詩

世人戴天不知高魏翁
獨感天心勞致和嘗刻石太山為大天字而已倚天足作持匕箸

背化工能成曲栽寓大道
從來哲匠多豪雄泰山之顛
天最近

翁抱天根望其頂泰山之麓
地苦巖翁平地險安如夷
泰山石道多手

所平我聞搏土從皇初
版築起作鹹梅儲畫寢
乃出孔子徒我

魯巧者創公輸匠氏規
矩傳緒餘翁雖一執師
有覺通吾儒信

能俯仰無愧忤何待球
切由詩書君不見古有
唐義士封植冬

青春不死又不見今有裴將軍棄屣執戈報

天子顧瞻塵海何紛紛如翁志識誰比倫不宜更入圻者傳披

圖如對千秋人

王雪年瑞慶以髮牋索書為作一絕

尊行舊推先友傳尊甫東江先生與先子同社友清才欣見後彫身重來懷旭

軒中住記取涵天浴海人意名曰懷旭齋雪年頃居是室

為陳仲久丈題郭羽可畫竹扇即送其官汴中

蘄州笛竹聞天下情性特宜雲水涯為補淇泉君子植移從屈

宋美人家管城清瘦休嗤俗符節蕭疎不厭奢倘選湖山佳處

住莫如崧雒領煙霞

雨帆閨前輩扇頭寫萊蕪菘菜屬題

才聽好雨洒郊畿蒨子菘苗出土肥乍解涪皤風味古知君賜

胃世情稀

躬恥齋詩鈔

卷八上 松瓢草

三 扶杜軒栞

送劉西垣鴻庚之鄂

幾輩同年獨見親關心痛癢共清貧西湖桂樹行將老北地藤

花又放春余舊有藤軒七湘沅遊蹤思我舊芷蘭香澤屬君心

君新從湘上來却看快意騎黃鶴竟往南樓作主人時君以大挑官鄂中

送孫霽山南還

卓犖文壇守祖風負才宜作出羣雄青天狂睨無餘子塵海深

居失巨公骨氣取憎金躍冶時王文嫌君以骨勝遂被放聲光難掩玉流虹

思親且息南圖翼坐待扶搖躡太空

連日得快雨昨西苑又雨中夾電數陳

斗不下汲天無漿羣龍四馳催雨忙雨兵奉令失紀律誤探凌

室為渠塘一呼一噏帝聰近祆火何能潤東井方喜對鄭潤澤

新喜教咳唾珠璣迸未雨恨雨少既雨恨雨多下雹惟恐傷田

禾吁嗟乎乾坤父母難徧物何如醞養元氣延祥和

王績堂 政 新成進士出爲令索予一詩因賦長古送之

快友老無匹遠行吾有言舊問故老說積德開清門崛起談天
口文字同瀾翻探喉吐名理坦腹忘涼溫初見禁城東課童牛
角灣再遇芝城西把酒千秋山三聚桃花源對榻重盤桓齊年
得二王意氣同纏絲 時王講爲王序一 別來忽以久君復遊長安看君
對明光握手情悠然問君得墨綬動色生歡顏非謂令可喜喜
有真心肝勿肯先世仁而效時俗官衛武善戲謔盛德乃赫誼
曼倩好恢奇清節超人間古來不羈士成就皆高賢送君復勉
君榮名期萬年

送駱蓮橋奎祺入蜀

自見蓮橋詩悠悠常在懷然明一言善況本吾同儕同儕亦云
眾孰與情文絳曩時不常觀相望天一涯君爲湘湖蕪吾爲蘭
澤離春風吹玉河萍聚曾幾時讀詩不能盡晤面猶且稀今年
躬恥齋詩鈔 卷八上 松瓢草

四 杕杜軒栞

天款君閭闔開雲霧出山將翺翔振翼多徘徊不謂迂者襟向
子重一開極論動達俗子獨傾耳諸多過不自矜舍己助劇措
辱愛恐太偏欲使矇瞽借推此好善心爲理良優哉蜀民亦何
幸遇此仁賢來行將澹泊身展爾疏通才昔聞劉鎮軍青天名
帝階其人無他長愛民如啼哇君鄉陸眉州素尙頗自佳重刊
不朽圖氣已超凡埃斯固並世人所造殊恢恢遠期千載上賢
躅尋叩悚翁文而侯武意度尤崔巍餘子安足論仰慕生悲哀
取法欲奚從策馬勿辭馳立求濟時艱俯仰無嗟咨要免古人
責耐受俗子哈君家有賢母貞德教其兒今還進母酒拜聆名
訓詞蒼赤羅子前何以盡孝慈進退宜有餘惓然離庭闈可久
亦可速毋爲塵霧迷早出須早歸毋爲猿鶴猜願子保明德爲
子酌金罍與子洽水石契子同岑苔平生重然諾信義堅榮衰
幸如陳希夷樂友張乖崖動靜固殊致恬淡亦孔皆蜀江澈底

清錦樹從容栽思賢擬兼葭秋水長溯洄

題潘丈星齋 曾鑿紅蕉館詩集

素師綠天吾舊遊蕉陰題徧文油油問栽紅蕉有子厚遺芳曾

掇愚谿陬 柳子厚紅蕉詩 吳中潘叔開仙館獨愛蕉紅牕影

滿才如絳雪映明蟾妙合綺思鳴彩琯春風一昔媽紅新新詩

萬首同續紛靈心抽緒出無盡晚節敷榮高不羣 右丞謂紅蕉臘月花而子

厚亦云窮節晚英 鳳慕君家鳳池上五色羽毛聯錦障誰知琪

蓋冬杪始花者 樹耀朱光並幹駢英鬱相望季孟之間特立難銜華佩實養滋

寬待零緋杏金閨側長倚彤雲 玉殿端 綸閣師門庭誥習

傳詩嗣響宜超絕請酌三蕉灌樹根願君名壽長無極

東楊杏農 彝 卽書其扇

自送春風歸與子未相見乞然一城耳間阻等遙句數煩走訪

勤交臂悵隔面知予坐勞拙益復深顧戀間訊逼幽齋寫心屬

躬恥齋詩鈔 卷八上 松瓢草 五 杖杜軒棊

嘉扇嗟哉此元字吾儕坐貶 一作賤 鼓罷雜歌泣跛躄資笑眩落

落知已稀悠悠故交勸願思湖中雨倏過石上電僂指不忍言

芳蘭慘多變隨時安抱蜀撫景已停蒨不圖白水情辱爾丹崖

彥感懷動惶悚何以任殷眷來朝暑雨歇小步稍安便會須從

子談知寬逗 邇謹

杏農左趾忽爛而稷辰左耳作痛兩人病出一源本諸五運戲

爲韻語候之卽示何子毅

溼土遭歲月暑雨方連絲 太歲在未太陰溼土 鬱火居太淵 乙未

金弱少 寒水行三泉君患在踵趾痛癢關人天徒瀉誠失和滲

痛於肺 導何可偏治源溫黃庭歛氣歸關元土堅水不潰華潤跌自鮮

余頃病左耳浮游肝膽問病異感運同所乘分趾顛平生不事

醫體候殊茫然近來悔悞多始讀靈樞篇恍覺天道邇近屬吾

身焉大命猶愆伏藐躬隨轉旋莫逃二氣表曷制六溼先以此

箕子毅得無咄謬言早乞一刀圭素履還仙仙藥石倘分及候
耳西風前

懷陞香鄜州

名丙熹元
名廷珍

使君看月到鄜州遙想清光萬里秋望客西來寄消息新涼獨
到最高樓

咏物二絕

蘆葦薄批如月淡胡瓜遠繫似星寒靜中獨見無心妙何不天
從鑿井看

古華未始見仁壽小卉喜聞名艾康欲狀北方閒草木幾多遺

落怨農皇

胡芝房

秦階

入湘屬書扇頭爲題一律送之

湘水碧無盡照人何太清山光多入縣樹色每連城煙雨愁常
靦風濤喜暫平幾時重鼓棹爲耳好名聲

躬恥齋詩鈔

卷八上

松瓢草

六

杖杜軒棊

七月七夕宿閣成三絕句

淡月微雲映淺紗明河渺對樹陰遮繞牆蕪蔓紫無賴不是薇
花是豆花

乾鵲無端噪晚枝填橋消息爾應知向來却怪星郎拙鶴背飛
仙學未遲

誰羨雲中雞犬聲詩人舊恨感秋生

玉年于丙戌七夕有詩可
書感以不到華山爲恨可

憐一掬安西淚縹緲神歸十二城

是日往弔玉年玉年遷安西
將北行今春終於蘭州故云

初秋西郊卽目

曉破輕煙出

作行破
煙林曉

微涼漸襲衣天高蟲絮語水淺雁分飛

柳外驚秋感荷邊聽雨稀石鱗風動處淼淼羨漁磯

送陳圭堂還粵東

自從惜別孕山樓落拓長安十五秋送子南游何所寄望將詩

夢證羅浮

七月十八夕風雨寒齋廬夜半夢寐中若見吾兒牀前趨涼衫縞白襲以烏新布潔淨無塵污以指挈其領兒來前不語俛首色慘如矍然心動神已覺殘月晦黯照簾疏但聽四壁蟲唧唧頓怪一旦陰陽殊我聞段氏言未入土時游六虛露零陰盛氣悽愴魂氣此時多悲吁紛紛流俗孟蘭徒都稱前夕鬼盡入關去可以此夢破其誣

借周星齋心存朝帽祝釐既而還之戲為一詩

蕭瑟荷衣拜 王鸞愧從同列假朝冠十年未見曾參製二寸方思綺里彈神武欲還無長物公孫相讓有餘權越人故態君休笑已分茹芝謝握蘭

冬至後九日得雪喜作

昨日香鑪上

躬恥齋詩鈔

卷八上 松瓢草

七 林杜軒琴

紫穹時上率夜來微見月朦朧誰知密釀無聲瑞不待傳宣

廣莫風是日無風而雪白降

近郊嘉麥欲蟠根深望祥雲抱氣溫一辨花開罪一度老農數

九笑盈門

八方洋溢喜蠲逋

仁壽昇平氣象殊難得

天心孚咫尺家家積玉更藏珠

蓬蒿下土種天田怕聽啼號不自憐獨對雪窗無限樂願將擊

壤頌

堯年

題盧蓉洲夫人妙香閣詩及其女漪淑之作

不讓眉山父子吟媿笙娥管本同音好將家集傳詞苑遙印紅

香曠世心時徵入蓉湖道人正始續集故云

春日圓通觀訪夢巖春樓海棠飄酒春雨中因作四絕句

詩仙合任元都觀香國方開蜀苑花消得長安真綺麗不須春
夜憶天涯

誰種名花已十圍風光猶是昔人非不如天上移根去夢雨酣
晴傍紫妃

花時偶雨已生愁一瞬繁華似水流却羨孤山濃雪裏未曾輕
白隱君頭

乞取巢林未落枝硯頭點染借朋支江郎老去花猶在珍惜妖
韶作態時

題苗仙露 學植 山居考韻圖

深山獨居何所聞微風過蕭泉蹙紋風泉相觸自成韻却被幽
人悟音訓幽人彈琴見先王元聲靜按宮與商九千餘文迹考
籀二百六部源推唐羽陵綠簡曾探遍一字能贏諧古傳偶然
躬恥齋詩鈔 卷八上 松瓢草 八 林杜軒琴

都講示侯芭正合方言根楚甸念自亭林生面開李邵繼作回
恢恢北方此學少遺響君特孤嘯黃金臺黃金臺何家冢笥河
墓前秋草白蕪林旦夕阮公還山中應喜知音出

九日吳紅生協讀 棟晉 齋中小集同徐星伯舊史丈端木鶴田
舍人龔定庵宗曹潘山人少白丈詩以紀之

燕都塵海中城南稍清曠君家踞高阜極目擅秋望夙聞李子
賢蕭辰愜幽尙咫尺蒹葭廬吟聲起悠颺比從零露旦驚立

苑池上相約與嘉會雅意敢多讓及期天宇開盡脫風雨狀老
蒼早登壇嘍喏愈少壯 時星伯鶴田 兩翁先至 瞠然從而後進之曷容抗
豫卜山人過雲從適相訪 少白丈佳節多山 過主人故心期之 珊珊大心子乘醉

來跌宕 定菴最 後到 坐客無一熱霜華同四暢疑到清涼天共探秘
密藏雄談六合遠浩氣兩間放 山人談其離魂翔天表事甚奇 星伯丈與定庵談邊塞鶴老證
以易 影澹山林癯珍羅水澤餉或致青州魚 間雨帆 翁所貺 或攜越州

釀星大以丁亥徒歌琴不弦任飲酒無量與酣各起舞神欲凌
虛王遠計逐鹿夫斯時苦得喪是夕試人聽胸可憐人間世何地不惆
悵奚勿偕主賓拔宅入蓬閭杯翻北斗漿墨酒東溟浪攀天駟
閭闔捫手青泥漾樂壽永無極曼古絕悲愴莫學蘆中人栖栖
久依倚

館齋枕上口占

夢醒殘月正如霜巷口呵聲欲過牆將早朝時寒柝高低更漏

盡喧然蛙鼓鬧池塘天將明則拆聲若浮若沈如蛙

栗樸園河帥毓美人觀賦贈

當代循良累勩多重臣今見動朝珂舊勞風雨千金塌新展旌
旗五丈河薄俗自能移儉德精誠信足鎮恬波得人幸造

邦家福長聽雲歌息瓠歌

東山才德古難尋前事堪師汝水潯謂劉忠宣砥柱百年籌國遠

躬恥齋詩鈔

卷八上 松瓢草

九 秋杜軒栞

書思三策惠民深朝天遙辨賢人色問夜先孚

聖主心實政名編舊相授知公向道久駸駸

丙申

龍擡頭謠

二月二日俗謂龍擡頭日京畿田家和麩肖龍耳龍牙食之健如龍蓋蒼龍應時蠶桑事起龍首宜昂舉耳易初為潛二為見重之皆二正在田之候也則謂擡頭亦宜因為農謠云龍眠數十日今日喜擡頭擡頭見大田麥苗低低不肯抽農夫皺眉婦子愁怨爾龍深居高臥恹雨雪夢夢過一冬不計今年秋家家割龍耳願龍弗聾聽人語家家敲龍牙願龍叫苦天咨嗟龍兮龍兮搖首去待乞天漿向東注
懷淵甫句容

洞裏仙音可許聞山中相業正須君靜觀自得四時樂清賦新成十賚文弟子相如經始重先生轅固老彌勤句曲士多荒嬉淵甫始教以經倘嫌寂寞無朋侶我欲從之對白雲

躬恥齋詩鈔

卷八上 松瓢草

十 秋杜軒棐

仲春癸亥日喜得小雨作

微霰見隔歲雨雪苦太稀萬物望霑澤時不雨已三月聖人殊憂之靈潭臥潛鱗明發勞

親祈

精誠先上通雲氣忽布彌昨夕作電夜月蔽澹澹朝陰霏絲絲東風迺倉龍中道潤 翠旗所願仁思深不為分寸施渥足徧九野

共樂舍生滋

丙申三月二日

雲壇早直敬賦

昨夜清塵命雨師

前夕大雷電得雨

瑤壇曉日上

鸞旗風雲暖隳千峯合

宵盱齋虔萬衆知夾道喬林多碧潤向陽小草正芳滋為從行

幄宣

天語仁聽

重霄午漏遲

是日 批荅江南山西諸章奏發抄時已向午矣

試厲事成

蹶張小築森花木暫借巢林聽友聲開到迎春春欲老冶遊入
度笑平生

清夢閒薰斗室香青雲舊雨又聯牀明朝共下東溟釣好辦漁
竿萬丈長

題吳石柘獨立圖

楚莊屬

素紙十丈織塵無誰與獨立寰中軀江南浦南隱君子斯世不
乏延陵吳清標瓜削影竹瘦挺挺豈待風前扶心知立脚在平
地象異出趾嘗危途觀君愀然若憂世蒼茫四顧生長噓羣生
孱弱苦難起兀者大氏伏且蒲潔身忍勿一援手守蜀恥作雙
跣跌欲因己立使人立直方所在何曾孤平生我亦絕依傍短
躬恥齋詩鈔

卷八上

松瓢草

十一

林杜軒栞

笛橫吹乾坤圖略持小物尙多事何若簡淡空繁蕪他時尙向
中原驅訪君子洛于漳沮嘯臺對立更有偶俯仰萬古同踟躕
題公垂指寫晚稚圖

暝色欲染林煙昏虬枝古木栖雅繁如魚如渦漾空際神似勸
羽歸翩翩一翁拄杖出樹下叩首指點何蕭閒生枯兩管寫不
到天機乃在十指痕昔聞指巧與物化不意爪甲過靈源直如
之而洒墨雨所向飛舞兼蜚蛇公垂舊出文士門奇氣自足爲
鵬鷗作爲此歌用勸汝胡勿放手圖江山

壽人詩

介岳何崑巖上產青玉芝羣真來翱翔餌食不得飢矍然採芝
叟方童顏朱頤高風棄軒冕榮性安茅茨山中結素侶樂與綺
皓期兒孫視鸞鳳翩翩左右隨上有華鬢雲覆身光陸離下挹
東海波酌言泛金卮咫尺蓬與閬快意唯所之從此後天老安

計寒暑爲願以逍遙遊長祝壽無期

進瓊醕開綺筵琅玕法曲紛奏前上壽何人勾漏仙老仙清風
所到處山中父老皆延年至今盛述使君德遺我嘉種丹砂田
隴西地近西王母活徧蒼生身亦壽一枝玉杖歸去來松花作
餐菊爲酒鵲華秋色好沂泉春風香琴彈白雪音書支明月牀
俯仰萬古日月堂堂請從君於碧山之椒兮常寤歌乎羲皇

送鶴田子還山

夜雨朝風共直廬綠深香火六年餘紫垣老宿龍頭望黃篋殘
籤蠹尾書多羨辭官還子舍空憐失侶引仙裾倘教易學興吾
越采藪歸來問業初

鶴田子以與東國使臣贈會詩篇書扇見惠微和爲詩會謝卽
以送其南還

青天有鶴生歸心剝翻襍襍鳴上林其聲清越少凡響不謂海
躬恥齋詩鈔

卷八上

松瓢草

七

林杜軒采

外逢知音近聞東邦學中國翁阮餘瀾遙挹尋翠微蕭蕭守古
逕獨抱大學求問津九蓮騰利松石下布席展紙垂儒紳橫渠
虎皮故相讓少師龜範猶堪陳三魚故蹤喜追踐五鹿健角看
伏馴吁嗟吾道久榛塞百年不講憂荒屯胡爲他山奉槃敦宜
令若屬登陶甄幸宣微言闡大義遠人若甚欽王人昔余曾見
彼聲叟略悉風氣開明臣庠官俎豆多效法私祔數十何莘莘
英才本不限地產志士每欲攀天吟此時嘉會非偶爾我雖不
與心彌振藐茲東方聞象譯無異南越通車箴飛鴻早歸畱保
爽鳴鳥少緩辭 軒宸春風再度鳴綠水定勞寄訊桐江濱

題鴻雪因綠圖記卽壽見亭丈五月初度一百二十韻

生稟河岳靈性秉山水妙動靜契天倪榮光自暉曜仙人空際
見雙丸躍丹竈後來祭勛名童時已先兆追想舊重陰趨隨服
庭教母尤儒家賢初基訓忠孝卓然青雲器有路志騰蹕受經

從渭陽奇秀驚長老雲看龍角挺風期馬耳峭江南夢中境神
明豫相曉平生愛煙波西湖早浮權心宜幽篁裏疇獨響泉表
晶宮望蛟臺玉池翫魚藻驚濤湧月輪異險勇能蹈從官入台
嶽窮攬蒼碧貌既餐赤城霞復飲石梁瀑子長昔南遊禹穴探
其奧公年弱于彼足迹徧巖窟梅溪證淡懷松嶺聳清眺元辰
登傑閣氣欲凌蒼昊迨尋康樂蹤會迫詹公釣一鉤獲長鯨龍
門歎飛到昆明縱流覽盡識三壺崑俄偕霓裳侶翩躚拜

金詔登朝才十九聲華一時噪慈幃憂獨遠身心勉持保秘書
讀薇天英猷濬鳳沼省親復南行吳越恣屐躋破浪渡瓜步敲
火然竹銚追溯千頃雲述祖緬郊寶會稽寓親舍勝接山陰道
蘭渚挹古芬曹碑慕微幼四明見滄海指點羣邦小且探范氏
藏津航放渾灝江湖暢吟眸虹垂更龍矯還題紅葉階史職任
摩斟于城當大難武部始遷擢琴絲偏屢斷騎省方悵懊益圖
躬恥齋詩鈔

卷八上

松瓢草

三

林杜軒琴

慰高堂請急敢待召夙仰泰山容齊魯青未了置身萬仞顛日
觀迓東臬披煙入谿衲捫石攀蘼篠官齋納遙岫清課娛花鳥
瓣香祝春暉元鶴儼爲報畢焉望聖居近可三日造入林洙水
溫展筍秋陽皓干章辯誰植莫不楷模效眾流匯灤源厯下地
最嗅鵲華色尤佳放眼空俗眇幽人邂逅遇道味參琴肅遂窮
古禪窟靈氣穿孤嶠晉錫扣拓提唐松寄疎傲前身有仙根觸
象多縹渺迨列蓬閭班羣真聚三樂異蝶飄然來詩襟喜盤繞
證此天際緣無惑塵夢少洗沐固不垢况又加祓澡謨觴贊汗
青軒錄紀

仁廟詞臣荷新寵賜膾供羞芼

君羹親得嘗齋幃益歡笑罔極思先型明發奉霜媪家聲能砥
柱國幹資豐耗識著洪河圖功待乘夏棹譚易耽靜居尋秋
快退漉遽策金匱勛一麾輟弋繹平山景賢關危機送神翽雪

中升大觀磊落舒素抱招隱入陶谷逸弄且推敲美人與騷客
遺躅悲窈窕惟有翠微巔月出萬古曠艤舟上牛渚然犀燭豪
杪天都神明府下車逐徠勞元宮謁太素年穀切誠禱踰嶺訪
民隱城狐獲狂狡激激新安浦名叻罕則倣迎來萬石姥訓政
實斯肇式間禮宿儒讓水息眾課瓊粦詠韶晨金粟讜勳耀采
芝峯卅六柱杖看未飽試湯浴殊禾振衣出涼燠颯爽躋慈光
始信更蒼晶餉茗頌清德出禦忘行旄練川達穎上板輿歷翫
虬疑循武陵源母云固大好汝蔡思澄流萑苻靖諸盜監河傾
中州仔艱時芻藁昕宵坐危隄

嘉悅沐

恩膏義陵與崧高精禮翕川塊濯纓孫登儕藝梅楚才肖五禽
訪戒壇參駕仰孤嶼積陰龍窟舒橫瀾龕澗森宣房亟經畫周
巡輦柴埽禹碑絳謨範俎豆盛稽考水德成報享賢關並輿船
躬恥齋詩鈔

卷八上

松瓢草

古

杖杜軒棗

中州潤沃多子惠遵怙冒陳縶勅楸和封爽詭宜暴鉅任遂迭
膺屏翰植邊徼

帝用作舟楫淮浦迂幢葆莫留堂背護禮庭極嗟悼墨衰服
王事胼胝帥疏導十載奏恬波順軌若漕湫

皇祇欣佑助飄雨酬宿約但憑忠信格不恃私智巧四瀆皆朝
宗千艘恒利漕兼權操江督奮武整衿袂比嚴海濞譏默銷虜
氛驚公勲繪旂常公名光冕瓌發聲應鷓鴣吐氣成虎豹量合
韓富樹福當高郭卻黑頭已令僕何由測耄耄大衍進初揆昌
辰集朋僚桃浪靜迎暄菊漿醉爭酬獨瞻晨鵠飛尙懷雪鴻爪
將賡蘭館筆更寫瑤池棗讀畫經歲月欲說恐輕眇倦言丈人
行愛我過晏鮑上有喬林柯下依女蘿蕙曷以荅古誼長言縱
笙篳頌容並祈年臺萊義堪墩數仰看舊篋來壽星定躔昂

鳴鶴園雙松問訪馬伯卿

仙園縹緲在雲中遙聽仙音隔水東一鶴青霄空見影雙松白
日自吟風波分靈液秋逾碧葉藹晴暉曉未紅倘許賓賢盛西
邸莫愁清寂抱孤桐

躬恥齋詩鈔

卷八上

松瓢草

五

杖杜軒栞

躬恥齋詩鈔卷之八下

會稽宗稷辰掌擘

澄想草 薈英草 丙申

丙申由宣南澄想巷移西城根薈英巷其時所作以所居名之存百有三首

太鶴洞天歌爲鶴田子作

青田一鶴天南來縈之維之鳳池隈鳳兮不得見得見老鶴良
奇哉鶴言昔在洞天住飢啄煙霞渴餐露忽見雲根一片飛空
中落向洞天幽絕處其光黝黝氣渾渾抱弄朝昏不知數臥時
枕我丹砂顛起時立我鐵爪拳翔時守我蒼松關歸時伴我清
溪干翩翩鶴子好嬉戲婆娑其上如鷺得坻鴻得磬山中娛此
樂無比胡爲同出塵寰間出塵寰眞矣瑞鳴皋能使天地清守
璞豈容泉石閤曷不舞之兩階儀廟堂作爲天球和笙簧維鶴
躬恥齋詩鈔 卷八下 澄想草 一 林杜軒棗

與石方千秋長承爲

聖人之世生暉光孰以此歌告我
皇俾勿縱爾投蒼茫

題施梅巖英雄兒女圖

昔吾爲姚子曾作英雄兒女之長歌姚子當時盛意氣笑人今
已成衰皤施郎皤皤忽騰起乃復作爲圖畫張吟邁佩大劍雄
冠峩左秦嬴右趙娥有時共醉金叵羅有時並騎青驎驪飛空
仰射雙鶻下嫣然一笑舒流波人生得此亦快意紅顏莫使悲
蹉跎君不見藥師匕首誰對舞斬王軍鼓誰同擲豈若毛錐夫
婿屢屢嬾辛苦黃壚將老何門嗟乎兒女恨填海英雄愁渡河
郎芳努力趁年少勿使堂堂日月長消磨

被放書懷

七十二日尋春深春光夢景愁空林 余自壬午至今試禮 尋之 部者八爲日七十二

愈久意愈定靜裏自測天地心殷殷相引苦相試水火百煉真
黃金黃金有芽採猶嫩秘藏密護密溫煇要須此丹一出世扶
起萬物無蕃被紛紛塵目見不遠漫惜遲暮非知音老蒼意厚
感幽獨悠然退息滄波潯

四月十五日殊寒偶咏仿天池體

定有天山雪胡然夏日寒樹鳴秋筆栗花怯午闌干欲聳鳶肩
瘦還憐犢鼻單虛堂坐清寂熱不累心肝
怨齋瀕行出朝鮮佳紙屬書因貽二絕句

越州咫尺是明州好載琴書作臥遊尋取白巖山上研待君攻

玉已千秋

每得潛園論學書光明心鏡照慈湖君歸幸訂同心業遙羨東

南道不孤潛園通儒釋一契雖不同程學然處飢食渴飲之日安得使同室紛爭正不必翻慈湖公案也

送歐陽生謹庸南還瀟上中仍日歐陽其族改楊姓祠

躬恥齋詩鈔

卷八下

澄想草

二 杖杜軒棐

都溪百脈泉一落瀉平田歐陽氏聚族居都溪之下邨各平田地合生才子

謂紫

君天將啟後賢早聞驚筆陳曾與掃蠻煙謹庸舊從征猿之役誰使英鋒

挫臨歧心怏然

去歲詩囊裏東南萬疊山謹庸乙未夏自都南去山江南循浙過豫章

且將豪氣往

更作壯遊還闡布方多慶時尊甫達夫副使侍太公在里扶搖豈久閒勉旃勵

初志養翻到仙關

將雨出城喜作

不雨亦以久歡聞雷有聲農謠占五月先聞有五月之占入五月節果得雨

天語應三清時有三壇蘇疾夏畦樂補偏秋林生閒身幸

沾溼瀟酒出西城

喜聞易錦江生子以嗣晴江作詩慰逝者並賀生者

宿草經年痛悠悠目未瞑新枝茁棠鄂式穀慰泉扃急難關心

極英聲側耳聽願兒早成長繼武躡雲青

牧垞談刺蟲化蛾聞而有感

綠樹深藏楊刺花吾鄉呼小刺亦知變化幻蟲沙靜看小物蠖

飛狀一刹升騰悟境除蟲曰楊刺花

舊聞蝨語異爭傳更補蟲戲妙獨研祇惜坐中冰雪友慧心消
盡苦因緣

題郭霽可舍人儀霄誦芬堂詩鈔

耳習霽可名幸從省中見目想霽可詩頃乃誦之偏奇氣鬱素

抱筆底走雷電豁然瀕洞開羣仙拜真面忽聞鸞鶴嘯復驚虎
豹變丹臺霽慈雲閔物垂綵纒欲爲九州雨要令四海晏潤澤

無緣施珠璣自空濺一唱再歎息古誼照几案集中多蒿目愧

無責育力挾之上災黎之作三殿日進小雅篇陳諷助微諫趨朝曾未

幾引疾遂自便思歸吾願早勇退子行先贈策傷歧路悲歌激

香漢努力千秋人山中保安善

躬恥齋詩鈔
卷八下澄想草
三 秋杜軒棗

直廬晝憩偶占

棗花香過玉溝西宮樹深深布穀啼高閣午長人易倦南枝閒

逐夢雲低

五月九日晨出之宛平舊墅賀子貞入館歸而賦詩

曉行步墟莽微涼襲輕裾適經故相園王文簡父亭臺久以蕪

斷碑臥草間欲讀文難摹其北敞高門屢易顯者居今爲誰子

家乃屬何侯廬九疑仙人何侯春陵仙攜子登蓬壺光暉祭日

月氣執漏江湖遠勝乃祖堅窮託陽公孤耳目既震矜賀客集

軒車余亦冠然行逡巡授刺書方隨入朝去未及履庭隅一言

願寄意盛滿道可虞濟美等閑事所貴厲家謨不朽能代興澤

流數世餘鑒彼絲綸族勉爾竹帛圖之子故絕塵幸勿謂我迂

庶令百年後有頌無嗔吁

浙中新憲使心芳梁公咨問境內所患苦爲詩答之二十八均
五月十九

廬作

昔有柱下史往守吾梓桑意先疾豪滑徧訪心彷徨蒙言可不
然爲政毋張皇正己物自正陰邪畏太陽若盡芟夷之其生方
未央密刺旣難信飛語多中傷將圖去羣秀猶恐傷一良遽回
賢守心藹然含霽光頃逢東魯賢廉察浙海壘咨詢及鄉士虛
懷求之詳因陶查仙協讀愧昨久作客利病忘其鄉大端畧能
說辨析昧毫芒未由斥誰何殷勤謝誓忘願我賢使君執法明
否臧善用循良長訓俗而刑方胥役痛抑裁田野少虎狼征科
禁浮加黎赤稀瘡瘍訟誣治訂潰獄疑舒寬章保任清盜源橫
暴嚴禁防設誠漸敷施守約爲本綱何庸示神奇赫赫譏非常
非常或遠告舉措宜徐商一庭鑒自懸萬物將安藏人情息風
波海宇綏金湯以此祝使君揚仁行禹航以此對使君仰澤送
姬裳松柏信獨正芻蕘已太荒好音從東來千里勞跂望

躬恥齋詩鈔

卷八下

澄想草

四 杖杜軒棐

題張南山丈

雜屏

聽松廬詩集

羣木之長唯木公元音長嘯天地空誰能聽以牙曠耳獨悟真
氣生旋宮我丈本出扶桑東移家羅浮白雲中採花千樹松萬
樹大嚼梅雪噓松風松下仙居久栖息安期結侶洪厓從飄然
詩思發天外筆走雷雨飛蒼龍出山志足潤千里絃琴化已開
羣蒙濯纓滄浪水清澈泛觴彭蠡波溟濛詩情宦迹兩幽絕廣
川喬嶽多奇逢匡君眞面乍得見洗眼江上青芙蓉此時濤聲
共泉響迸落紙上愈沈雄幸從南陔乞斯集如拜長者冰雪容
苑廬森闕快三復恐變光氣爲流虹敢睎小草學喬木竊比部
婁瞻壺蓬低徊展卷意無極神夢早與雲泉通

雲泉丈山
居館各

露坐偶成

參井頻捫影動搖紫垣默自運樞杓有星欲落不曾落却恐天

蓬卷舌驕

狂風日月送流年如許風聲欲撼天萬竅太無含蓄意直如秋夜響戈鋌

薩湘林都護復出長陪京禮部詩以送之 五月二十五日

十年未老玉關人 宋蔡平涼挺有玉關人老之歌 都護西還塞草春

朝命近銜根本地禮官仍拜肅雍臣 君由禮部即起家 槐階露氣流膏

重松漠風光仗節新不日名疆快遷轉待迴北轍又南循

題章立軒熊鹿圖 六月六日

熊熊有耿光鹿鹿少奇節光潛節亦黯宜罕塵世迹念我千巖

中秀氣盡外洩韜隱良以稀空山自幽絕偶然見羣有鷲爾招

繪弋萬物苦相求何由快縱逸章侯靜居人於此厲詎譎家已

入山深身將入林密招尋謝弓車角逐笑雄傑眼定足會心詎

事談假借吾生愛寥廓無端就鞿繫上林高且寒栖枝未安息

不如脫然歸與君侶泉石長保熊鹿年千百以為極 記傳稱熊壽五百歲

躬恥齋詩鈔

卷八下

澄想草

五

杖杜軒棊

鹿動至千歲云

蔣生丹嶽將遊湘中以扇索書為書一絕句

西山雨氣溼書牕欲送南行意未降二十一年舊遊迹不堪追

憶是湘江

題屠篠園湘之姊歸行後

篠園生晚其兩姊左右其親教之字之未嫁俱沒篠園悲焉

其喪也在揚州既厝諸土篠園成進士乃遷之歸作姊歸行

以述哀予為賦六絕句

信美靈均才能傳女嬰姊不聞撫三閭姊力勤如此

伯姊教弟篤仲姊愛弟殷喜見弟成立飄然還玉真

痛姊如痛兄哭姊如哭師未堪一個弱奈教連枝摧

讀子姊歸行如聞子規泣一千七十字字字皆成血

我昔有長媚辛苦喪修門歸葬十餘年風雨淒愁魂

子幸官近鄉時省賢媛壟念我獨何人臨風淚如瀉

送湘筠還衡山縣率書十九韻 七月一日

來時澍雨甘 君是以五月十四日去時秋雨霽舊雨情絲絲不勝

離別思憶昔十載前五峯對雲氣雲中共談道悠然得心契 初

幸衡山延余主集賢講院 頃來證道力老益薑桂味學勤省幽獨政成真豈

弟滋予捫心慚非徒援手愧對門居一月昕宵聽清誨倦卽下

榻留飲還攜榼至浮白深語元花間影微醉近巷招何郎 楚

鄰約高季 舟 縱論慰離索午夜幾忘寐忽聞驪駒唱心旌頓搖

曳留之不得住蒼黔望歸轡昨夕喜得雨尺水長平地且延永

日歡多情感

天帝西山旋開爽南轅欲策筇送出長安道遙指湘衡際莫罄

千里懷聊憑短歌寄

題張志同畫扇頭竹石小景 七夕作

躬恥齋詩鈔

卷八下 澄想草

六 林杜軒棗

何處青山淡一螺蕭疏竹樹隔江多記曾勝異亭前見難寫晤

厓鏡裡波

送鄭受山守滇之臨安

楊公文教鄂公勲舊德曾開萬里雲送子遠為名守去於今深

望好音聞近臣受寄

恩方始邊地揚風事不羣南盡瀘江波浪靜從容緩戢仗慈君

時交吐境內小擾已平郡境近交阻故云

治譜傳家郡縣同幾人訓治自家翁 尊丈舊為閩中循吏乞養

根源孝弟臨民厚本俗農桑有道通診癘廿年迴善氣 郡患疫甚久

冰霜一念勵初衷閑鷗跂足聞仁化天遠蒼山在眼中

題扇頭秋卉一難一解

丹黃籬落伴天氣已深秋翻覺艸蟲喜不聞胡蝶愁

榮悴本自然何為動憂戚古來達化人乃學蟲與蝶

墨竹歌貽霸可

湖州一去七百歲籜龍已飛遺蛻碎許誰更挽北溟波重款墨
君濡首醉舊從汪子見雨竿孟慈家藏與可竹二巨幅倒垂直上風雲蟠或

疑神物化應盡此獨何爲留人問人問遇竹何足驚不見與可

今復生眼中之竹乞真寫落紙已覺成秋聲怪我藏牋年尙淺

余藏宣城紙二十六年質性未淳著墨能濃不能淡蒼然老幹無嫩枝要使兒

童莫輕撼子嗟此竹不易求叩門折節輕王侯以我同岑心默

與不恤暑中揮汗驟雨張我十尺壁屈君千丈姿相對喜長

笑頓令愁城摧曷弗縱之生氣灑宇宙百世而下頌稱磨聖淇

園詩

楚茫往官淮上饒曹送以三絕句

十年前欲學夷吾飽看揚州月滿湖不意輸君清淨福凌秋小

艇傍菰蘆余昔曾欲就此官以當隱德州止之不果故云

躬心齋詩鈔

卷八下 澄想草

七 杖杜軒棐

最喜淮南兩石公石甫天教府海聚才雄此行大得宅山助都

在荷鴈竹吹中

爲親乞祿不嫌卑仕隱從容到處宜好向濤平風靜候收竿常

早下竿遲

送唐竟海丈按察黔中三十韻

同年嬗兩世夙誼非尋常憶從卅芳歲卽慕長者名陶山先生與先雷州

同甲午鄉舉先令君與丈同己巳勝初元履天衢結交南國英

每爲稷辰稱道之並示其家集云戚文謂仙盛稱今有道莫愈戚與唐仲蘭父執得兩賢從之敢後瞠

我丈出守邊獨隨戚丈行復起廬岱下始見發神京街

命嶺西路仁化將載揚舊聞戚丈述丈守平樂教民善政戚丈言之甚悉幸少侍

其旁微言遠千里遙想徒平生戚丈痛死孝古道悲蒼涼惟時

丈南征竭忠破斧斯遷官重過關話舊同沾裳頃來宿老稀兩

陳午橋其蘭石龔聲亡是皆清節儔曷令善類藏孤哉仰碩

果歸然瞻靈光新拜黔臺使行經湘岳鄉大本楚產後從 堊北居山東 昔不負良友今不負

聖明定能靜狎矧用以安黎蒼造門悵未遇見賢心不遑眼前望青天去景星鳳凰恨不走負笈效彼揚之汪孟慈嘗從 辰也

困少賤有志難拄撐早失父師誨慘惻替且俛末與有道親洗伐叢過腸此心向誰告欲語還自傷所恐春風慈但憐弱草芳

荃蕩谷中氣杖杜道左情悠悠動離思鬱鬱摠真誠終期一裁之勿使悲無成

霞城還天台以令弟崧樵墨竹留惠爲詩送之卽東崧樵王名應兆 君家天台白雲端門前脩篁萬綠環素稱愛弟善潑墨千里遠

致青琅玕昔年分贈纜短幅雨葉風枝看不足頃將別我還赤城藏眞累幘傾筓盞寫時人日懷速柯春嵐暮煙含石螺想其

節概自千仞天外獨立無嫌阿石何嶮崎竹矯矯山中無塵筆躬恥齋詩鈔 卷八下 澄想草 八 杅杜軒棊

盡掃但從冰簟夢湖州豈識西江尋可老謂青 可老出山復入山掉頭歸去種漁竿何如長斂凌雲手對坐清陰同玉友霞城舍縣

令就枝官不復出矣 謝訥士邑丞惠紙卽送其還杭州

會稽之竹膚理白造紙足爲天下伯矜光膩色武林多疑挾湖山清氣出吳侯善書揮雲煙行笥每攜百束賤頻年北使屢分

贈厚意望我追古妍憶昔虎谿水石間谿在辰州 記君先德心忤然視今鬱塞老鷓聞不若洒落題蠻天慚愧从勞天末望握手西

風悵悠曠藉君片楮窵維 愁遲我扁舟羨飛浪東還他事不關心但問東塘幸無恙時游坊在危

題石甫監饒東溟後湘各集 文詞與詩歌異流同一源源遠流廣長注地皆成川大者如江海小者如池困苟其浩氣充涌納無涯垠誰爲限斷港相拒激

奔湍詩文兩阻絕謂本難兼全畫江而樹幟伯才徒囂然惟今
桐城姚世學追蘇韓堂堂惜抱翁閱博開其先東溟復奮起力
能制頽瀾拓胷萬里闊置身千仞顛氣獨吞混茫不屑爲淪漣
有韻無韻體短長疾徐言灌輸出百道涌發從心泉直自渾灑
通不至毫末穿大道有元本聖教空宗門世徒演枝葉君乃抉
其根迂儒寡謀議文士昧經權世方輕藻華君乃養其醇志羞
一藝名情樂八風宣恢之滿大宅斂之入無間想其得真意舉
已忘蹄筌自受一切著旬日服拳拳飛行不可迹踈盼疑欲仙
願隨鸞鳳姿扶上青雲端敢云力孱弱但覺神騰騫此中有密
諦定在篇帙前何時薰辦香參證清微天

送雲亭尚書文總制浙閩三十韻

司牧重兩漢循良累三公爲其卹人瘼可以補天功唐有李清
水萬年澤下豐宋推呂汲郡永壽泉開蒙方今

躬恥齋詩鈔

卷八下 澄想草

九 杖杜軒棗

仁聖朝尤尙康父功歡傳百里宰進督連圻封試問拜

命誰我丈父師同昔治我桑梓穆然懷清風儒門聽講學頌聲
流鼓鐘訟庭愷惻談父老喜忘聾未幾遽遷擢梁克厯南東魯
人慶載來越人思無窮二東旣大治九煙排冥濛拔秀樹芳馨
救菑扶疲癯默默契

帝心耿耿勵臣忠會闕浙閩帥

特詔明光宮乃使舊慈君榮持新節幢閩海慮草竊洵海防濤
春回首曾幾年蒿日重發矇黃梅帥仙舟與白下董觀橋前蹟

猶可從况以開濟才旋轉乾坤中何難奠潮沙何難化螭鱗定

有金石馨足安砥柱邦側聞

九陛前

天語咨從容亟令乘傳行早釋

肝食衷祖帳羅 國門攀留良匆匆年家趨稚少屬部稱愚蠢

夙昔仰河潤今茲承露濃敢將壺簞迎惟藉枕辭通聊誦渚鴻
謳長依台袞崇

題高涼鄭那樓海天閣讀書圖

海上譚經號鄭君讀書高閣倚秋雲龍湫一脈樹間出電白有江名龍

湫注魚磬數聲波際聞魚鳴如磬心境空明看浴日山靈窈窕佇還

雲何年我得栖嵯峴遙望蓬壺把玉文嵯峴在泰望頂

海澱秋感

昨夜微涼水國生藕花猶自不勝情丁香隄上凝秋望西北農

田晚未成時山東西河南三輔捕蝗未已殊殷憂也

七月二十九日崇福精舍小集

秋景朗初曙涼雲收靜林言觀慈氏屢遠聽青鸞音賢王昔好

道得壽澄天心芳蹤留百年猶令聞者尋堂有乾隆中皇清六子手書壽僧扁

梵韻寥廓邈然悠且深何意塵海間絕無纖埃侵焚香事齋祓

躬恥齋詩鈔卷八下澄想草十 林杜軒葉

愛日舒靈襟聊法和靖意吾親良所欽于焉懽永朝朱顏娛碧

陰但惜不攜酒一樽歸去對

焦氏園林四首 在永定門外東二里燕家樓

聞有好亭子翛然約伴遊煙蕪猶近郭風日未深秋漸喜糴塵

少俄看碧樹稠焦先遺裔在嘉遜緬前修

聽雲無俗韻話雨有深情皆園中亭名竹愛清疎立花憐細碎生卷

簾風燕入坐石草蟲鳴永日同幽憩獻歌塵想輕

蓮井疏泉活槐庭累石高八牕開畫閣一望俯晴皋耕鑿天民

樂輪蹄熱客勞五雲城闕表難得靜紛囂

花前提酒樽樓外訪孤村鄉冷燕都蹟此鄉曰燕都鄉見唐開元中苑達撰杜綽墓志

林荒杜父魂侯王空草土里俗尚林園遊日遠懷古滄桑難盡

論

愛業梁之望校

卜居

曠代猶思首善風書巢愛向故墟東西頭月照三樓外南面城
臨萬卷中白社何人問高額金臺此日禮鄒馮載堂寂寞無疇
侶獨寤樂阿道自通

乙未薦主丁先生提學廣西作詩送之

舊時相識不相私薦禰真從暗裏知能守近思如往日十年前

嘗云遇難遺事但論清節是吾師心香已拜南豐久經席何嫌

翻讀近思錄北面遲喜見持衡秋嶺外好將明月照湘灘

示第三婿施焯

無規不逆耳無諛不順心常懼吾兩聰不經人一鍼施情在甥

館讀書頗靜深其志不自下所慮客氣侵師良未易逢友直宜

善尋須知古醇儒惕惕而惓惓萬物歸虛懷泉理生冲襟于斯

躬恥齋詩鈔

卷八下

蒼英草

十一

秋杜軒

少堂磨隱蔽幾成禊此中昧謙滿損益孰為斟吾生愧鈍拙百

折勇已沈豈足廣英器義在言難暗行將歸事兄臨別貽佩箴

幸勿藐常談風前期好音

愛山提刑見訪送之以詩

剝啄柴門枉使車故人心迹喜如初欲聞海上兵農策還念湘

中郡國書君前官東安時贊成米糲及今須德裕時近輔益患

救之永州志實從余言桂苻自昔畏温舒君善治盜北平頃多深知赤縣同殷望

暫得留連話草廬

西風

西風一夜掃蝨螟曉起看天色正青若為素平同樂兆大田詩

徹 壽筵聽

書施氏宗賢攷後

四明有忠臣山陰多孝子百世溯清源門前長樂水郡志施氏

其一卽冠山翁余堵焯之大
父也長樂水今俗謠直樂水

題高逸賦同年驥雲花朝留鬢圖二十六韻

陽春鬢花氣吐須乃正酣花壯方四旬壽相宜鬢髮生人有芳
韶眉鬢綠毵毵天形孰後賦俗稱須廿三吾越諺云想當三八

時畢見萌芽含而成後龍鱗具飾燕領秀若碧草苗卷如朱
華涵初猶怯虎捋久不憎驪探士髦亦攸宜兒鬢夫何堪高子

素光澤黃面如瞿曇忽向芳艷晨欲其老蒼譚鬢然留幾莖稀
微辨青藍鬢髮種崔李學學豪儁郊略然吟興長輕捫醉味醇

屢空引睛絲染黛羞新蝠但資魚有文詎必虬交盒吾觀古賢
貌寡鬢多記諸克黎兩上公不爲肉髭慙聖師有具體昔已微

丰采誰與參吾子性耆學百氏恣研覃所慮逐寒蠹未幾嘲霜
鬢當余始在頰見子丹輔齡及余旋在頤爾顏胡趨趨定知先

生苦歲當苦苦應遜徐生廿寸長徵早衰尺短愧深耽花期悵
躬臥齋詩鈔

蹉跎悲歌窮髮南卷八下查英草
十一 杖杜軒栞

題書福樓勘書圖二十二韻爲錢唐嚴厚民翁作
平生耆書兼愛樓百城百尺難弁求欲登高明擅富有此福未

許凡夫修昔聞關尹始坳起五千文想連雲衰仲宣德施讀且
選各遺傑構名千秋太清秘藏邈以盡天一善守歸然留湖山

佳處誰有作客星苗裔居蟠幽吾鄉大師厚民子好書不惜汗
萬牛少從講壇讓訓詁老至學海窮研蒐雲臺相公撰註西湖

海堂刻經解以翁翁佐之及師粵開學
專綜按勘之役

皇朝漢學正全盛點勘眾說資徐劉東南宿儒幾人在奮臂顯
面當羣流片言能折伯奇訟一字不釋叔重讎非徒世業紹麟

筆詎侈珍鑽羅禽翁儀真衣緘賴法嗣娜媿森閱持干振書成
歸去謀築隱朱鉛滿屋充菟裘煙霞縹緲湧層棟風月朗暢開

輕幃繞塔梧竹立鸞鶴凌霄松柏騰螭虬一圖一候三寫景髣

髯中有然黎叟悵余未曾拜榻下對此如已窺墻頭仙才仙福
羨翁占悔不負笈從之遊丹梯幾重會須上願結茆舍依滄洲
新居在蒼英巷之南俗曰緯纒余因顏聳姪讀書之室曰蒼英
書屋戲占二絕

北鎮氣來迴地脈西洋燄息復人文從今環堵英才薈日下他
年益緒聞

諸甥在館堪傳硯子翁當階比種蘭繞屋書聲吉祥相老親日
夕喜加餐

道上見運水牛車慨然有感

六朝盛服牛牛嘗御君相項領有銜飾毛色相矜尚今也牛獨
賤日懼屠刀向稍稍駕笨車羸驢出其上負重盡氣力垂頭甚
沮喪道旁罕顧者悲鳴苦無狀昔受王謝驅交衢望塵讓今馱
溝渠水避却曷敢亢榮辱信隨遇萬物殊衰旺古今事類然遑
躬恥齋詩鈔

卷八下

薈英草

十三

扶杜軒棗

計升沈當莫恃駿奔材誰識駢蹄望士患不得時觀此增惆悵
爰爲日南駛樂任桃林放所欲追麒麟凌空絕依傍
邵魚竹給諫自塞上還出舊日秋鐘茅屋圖屬題作五古四十
韻贈之

世事如浮雲過眼不足憶唯有讀書味平生挂曾臆邵子今人
豪精心貫羣籍昔年山中學晝短嘗繼夕茆屋月正涼篝鐙秋
自碧清輝照千古靜觀明一室門外霜露重雞號啾啾豈識
賢人心悠然樂無極斯樂會幾時雲程遠相偈初開蘭臺藏屢
持星使節兩館盛文藻

君相深延接每從撰述餘喜與朋舊卽愛我因項子

謂潘園温藹

見顏色下榻縱夜談翦燭蔽風隙寒臆提往事欲畫猶未筆迨
爲耳目臣上殿多論說草疏移長檠府朝問漏刻

當陽倚子才乃用稽府寬忽觀池魚災致箠天雷疾使聞未復

命倉兄受羈縲

聖明鑿非罪法吏苦窘迫荷戈出北塞臨歧蹀然別三載獲
賜環相逢話陳迹披圖一流示迴首再歎息恍如夢境覺頓使
塵想寂惟此故青鐙隨身共今昔心宜同冷淡影不分涼熱誅
茅早有願素志庶可畢孤山梅萬樹老鶴臥風雪于焉伴幽廬
樂天足自適況有高堂親門閭盼兒亟難得盤錯身重侍旨甘
席秋光所凝聚春氣同融結養怡清淨福消釋煩惱劫余悲離
索久却恐過歸恐恨之倍隱資莫附高飛翼浮家鷗漫泊食力
龍空擎支書方質庶然糠猶鑿壁安能隨子去湖波各分乞更
作歲寒交栖遲共松石

去歲予患日眵而濼社舊徒吳生

報元

夢見余有目疾書來問

訊爲之慨然報以一詩庶有古師友之意焉

昔聞嚙指動遊子疾痛相關乃有此東山師弟誠至親禱久誰
躬恥齋詩鈔

卷八下

蒼英草

十四

杕杜軒栞

曾感千里吾門吳生誼何篤見我夢中指目滓和神方喜對春
風樂淚偏教墮秋水醒來快悵縈懷抱南雁遙傳書一紙豈知
心致幻元真客歲昏時未已多緣強保西河明猶復妄勞中
夜視窮瞎故應譏太祝備督故煩詢左史開函深佩睠睠情古
道愛余入骨髓幸今雙瞳早光復仍許仰天看角背有心頗亦
念離羣無恙至堪告知己勗哉勿惰今似昔健者恰宜吾與爾
生夢中聞余告

以勿惰至恰宜

遠寓長言無盡思眼前恍視瀟湘注

石民見余日勞塗抹而筆墨屢置罄行篋以繼之且侑以梅花
賤荅酬一首

石民名吳於李孝曾先生長子

淄墨用易奢管城焉得儉應人不惜拔萬毛隨意常教潤于點
文房不節宜屢空其鄰獨富石戶農爲傾行厨倒篋筭絡繹繼
我無憂窮青霜驚聞武庫銳元圭寵累羣侯封況兼佳紙印梅
影素心推贈寒光融我如暗室受明月四壁爛然何所闕又似

仙人掌上承露珠一一澄鮮喜可掬祇愁落手太自輕放浪一
任煙波橫從今塗抹須縟安得鮑子長分贏

夢四兄仁圃先生有感而作

魂氣悠悠何所之天涯往復爲孤兒十年棄玉初登藉七尺焦

琴乍絕絲保心徑失學已深幸讀書猶有種祇憐補學尙無師

牖蒙尙借泉臺力摘得溪芹慰我癡

秋夜覽廉峯侍御壺園集有懷其人書後卽柬贈

昔讀愴園集恨不蚤生東海側近讀壺園詩令人復深東海思

東海當時大漏納宇內雲龍同氣合開國人才際會難登壇

宏獎風流浴古道蕭蕭往迹涼祖鐙耿耿餘輝長傳家珍重珊

瑚網度世芬馨沉滌滌百年喜見公門盛重領風騷提藻鏡久

契彌教神味親迂遲敢望聲華競頰首詩孫欲闡明空磨澀劍

覩長城堵墻縱怯孱兵入觀壁還應壯思生君學昌黎得堂奧

躬恥齋詩鈔

卷八下

蒼英草

五

秋杜軒棗

精詣必先張孟到有時出入鮑謝間渺渺從之春盎然況復高

吟本餘事耳鳴陰德施無際樂善從來天下優惠人合爲蒼生

濟道誼文章好並尊高曾奔葉溯根源待看東海汪洋澤灑徧

方州佐

主恩

九日行蘆荻間遂登野寺中小閣忽思潘山人卽走訪之談話

永日而還爲四律紀事

淡到秋心未有涯獨借清影望蒹葭風沙疾掃遊人迹霜葉深

圍處士家北海芬芳新種蕨東籬蕭瑟老餐花分甘何異山中

味一嘯吟窩日欲斜

林阜間猶天地間先生何處不空山善言及物幾人得奇想入

文垂老刪靜裏定能安六字病餘當已度三關兒童少見多驚

詫誰引堯夫識醉顏

淒淒颯颯十霜中善類無端盡馭空長使澗松號夜月不堪池
柳怨秋風百年孤往心良苦六合迴翔路亦窮腸斷一編先友
傳鬱然正氣挽江東

我亦躡難百鍊身孤舟不繫悵迷津趨官徒降展禽志善道總

慚原憲貧斯世有誰招石隱故山待子作天民鸞停鶴舉同超

絕時鶴田子亦將復歸青田底事銜蘆莫遊人

祝侍讀逝兩旬見夢對坐默無一言第見設罇餽於几耳爲詩

記之

官餐頗費千頭鴨省中稟發房食頗豪日供一鴨雲帆在閩年久所享多矣食料同消萬口

羊却怪酒闌燈燼後夢中餽餽分嘗

已覺君身是古人何緣默默意相親須知畫餅元難說莫向迷

津更問津時署侍讀乏人牛閣長欲引入斯夕一覺渙然意消

哭君文定感泉臺風去池空賸劫灰縈繞煙雲頓驚悟可憐神

躬取齋詩鈔 卷八下 薈英草 夫 扶杜軒葉

望閣門開

會甯劉烈女詩丁部郎翰華之女

悲聲聞涼州爲誰悲乎烈女劉十七歸秀才琴書相綢繆秀才

粹病不得瘳女兮誓欲從泉涂杳苦毒兮甘如飴腸不斷兮痛

復迴起慰高堂忍死斂夫形夫形旣藏高堂弗之防乘間密密

縫衣裳夜來大雨酸然傾人哭正雜天號聲淒淒切切亂中庭

門前清流毅然墮瞬已攜手泉臺行哭聲息風雨歇冰雪身水

中出時惟道光八年小暑節令長臨其喪上告我

皇表奇烈女名曰新盛氏室厥父起曹人離別眼看四齡兒坐

享千秋食事閔九年悲未絕聽到涼州盡鳴吧

東海秋

知君近日爲詩忙畢竟詩中日月長君來簡云坐爲詩忙耳時論已聞齊

博進各流何忍諱文章風潮定後才應遂雪海醒迴夢亦涼却

畏雄師辟三舍未曾驢肯共吟商

題鄒松友詩集卽送還洛 名憲廷漢陽人

詩境萬端盡一字貴以真心馭真氣偶然流露不安排天際靈源來有自頃讀百篇鄒子詩見君情性深溫慈惓惓骨肉意不解均愛宜爲蒼赤私入闕兩番異愉快自到中原詩筆遠方從嵩洛探奇來百變煙雲悟舒卷香山次山愁民難心腸共見千秋間近來長吏苦蹙蹙幸子獨展春風顏官況清高詩骨重冰霜落紙森難動古歡長得襟抱開薄俗任嘲肩背聳愧我栖栖等散樗文章志行愜心無何當論道隨東廓願作吟風弄月徒送羅蘇溪守平陽 名統典安化人

印心石屋詩未就千里遠想資江波資江故人作郡去思陶不

已重思羅 君與雲汀翁同里雲汀生平貫識湖湘士幾輩儔英

昆友視 謂石吾樓羅侯晚見最起羣授分殷勤居我弟此去平

躬恥齋詩鈔 卷八下 蒼英草 七 杖杜軒棗

陽堯所都尋常治行難描摹但喜蝨螟不入境襄帷早勸民耕

勸民本堯民風儉素太守仙才來未莫好成治譜獻

堯天上榮光望後賢

題印心石屋圖爲陶宮保擬古 三章章十四句一章章十八句

龠齋資川流於陶溪其流忽渟有石午之砥乃中流淪漣忽回

非禹斯鑿唯天所施沈湮萬年古無聞知輶軒後徵圖經始開

名自方言傳乎今茲

厥名雜何是日印心土藏主信爪月寓形執政所持式矩式矧

孰臨其涯石闕森森若幢若戟環列翰屏其氣鬱蟠久而毓靈

陶溪之鄉積德之庭

積德之庭喆人降生以輔

聖清巖巖嶽嶽其器夙成其器既成其才適升瑰奇瓌偉萬目

是印唯杜石之望唯印心之祥

蘭臺石渠初承

聖書尋使方連纍纍其符迨督三江視古元侯銀章鐵章繫肘
網繆紫光爛然用宣大猷乃原其本乃名其廬以礪臣心以無
忘其初

臣居有名

天聽攸屬承

帝手書異印心石屋公拜稽首奉歸邦族山川有光宅里稱淑
匪私其榮願均其福鎮東南維使萬物肅志昭丹青曾篆河岳
雲雷八文儲精斯獨安化有八岬文石動之雷鳴見湘中記為公頌之壽甚金玉
輓梅梁侍郎丈二首

散木生朝瑞木凋是月廿一日稽陰氣薄歎蕭條風怪雨為

龍去亘海窮天望鶴遙承

帝夢還初本作蒼水使歸神愁過藉山潮戟堂一記空遺諾長

躬恥齋詩鈔

卷八下 蒼英草

六 杖杜軒棗

使鄉間恨不消公欲作邑館仰戴堂記刻石壁間未果

曾將俎豆奉宣公一疏千秋志趣同臺省緒聞多直節湘岷傳

誦有清風遺詩早付門生定寄同訂公賸瑣聞尋野老窮元作詩甫成集詩見哀

何必感恩始知己獨彈幽淚抱焦桐詩見哀

題馬厚菴丈讀書秋樹根行看圖

兒時心識扶風帳粉榆社裏羣流望自到長安侍文筵文藻家
風仰尊行威鳳方柄宮樹枝鯨魚正跋滄溟浪西蜀輜軒詩已
富東華珥筆勲尤壯一麾初展岱東雲

重命來宣湘水濱千隄課柳陰豐歲四境樹棠班好春柳雨棠
煙楚天碧遙想良音惜離別頗聞坐鎮理弦歌桐韻涼秋山幾
疊有時涉江采蒨蘭有時瑣院聯奎躡官清政簡書可讀還與
古人時結權項從薦舉朝

丹禁行笈惟攜圖一幃戴堂快晤容展觀清影精神堪對鏡世

矜簿領俗難醫翁守儒修心自定時議幾忘霍光傳勤學豈妨
元凱政我家舊亦留此圖慨然庭樹殊榮枯丈夫讀書貴有用
何幸得志舒嘉謨行看旦夕拜方岳遂以經術康寰區愁余鬱
鬱抱遺籍安得負笈從之趨

題葉潤臣江亭看山圖

城南林園多彫撤後作孤亭耐遊目遶郭羣峯落落低於此看
山苦不足葉家季子瀟洒人性情本與高山親胷中五岳自隱
起眼底太行思遠皺知君家世官京國亭畔多存舊遊跡恂恂
方侍父兄行未敢聳身天際立鄙人每嘆江亭空不如種我積
水柳坐我慈仁松安能局促向樓堞盼斷千朵青芙蓉噫嘻與
君有鄉歸不去與君望山看不了且抱登峯造極心萬古抗懷
齊魯小

選熊壁臣詩稿卽送其出守臨江名裁天門人久爲秋曹

躬恥齋詩鈔

卷八下 薈英草

九 秋杜軒采

導源問前津醞醇從舊醪子昔來京師風雅未衰械宣南列漿
敦詞壇數者碩謂覽翁 匪惟德可薰亦且光可炙使子奮正氣
文藻樹標格悠悠十餘年諸老如去客慷慨興遺音悲歌撫陳
迹肆力廣唱永連篇尺寸積超俊欲追李真至多近白痛刪腹
背毳高振霄漢翻持以走字寰所向宜辟易顧此抑末耳根祇
在心宅忠愛自性生紛華悟形役每于法家言時濟仁者術頭
分符竹去作良二千石誦絃先化民善試牛刀善

得會固甫湘中消息却寄名金泥湯

湘楚傷心地重遊最可憐同爲廉吏後坐老旅愁邊壯志恢千
里遺經守十年先師復齋子沒後固甫 幸逢好賢者與子煖青

瓊時主王
桐野

懷胡問鷗長沙時在龔
承宣幕

夢尋猶入桃花邨先生迺返息機園君所居 身爲上客抱真璞

學向古人求大源仁粟遠勞千里致心期何止十年敦寒霄月
黑正杌隄天際鷗波誰共論

仲冬二十五日海秋齋中同李海帆師馬厚菴丈熊壁臣何子
貞小集為詩記談讌之樂即東海秋

微陽漏春氣冬日煦和光車蓋集千里風雲生一堂主人敬愛
客繼晷連宵長論文暢襟悱情意餘柘觴吾師猶龍子神采照

八方氣足滄雄杰才毓賈琳琅以君浩瀚曾折節尚未遑坐中
兩秋官先後名皋巖厚翁舊由刑曹外
擢壁臣曾同官詩畫各擅美經術皆稱

良玉除新拜遷江嶽旌分揚厚翁本日遷山左轉
運壁臣初守臨江明將並騰

踏蹙維三乘黃珍庖盛充溢華燭相輝煌迨陪豈豸莫所愧借
何郎幸與亞賓旅藹然親老蒼酒闌前致辭公輩民之望願自

出國門班春為福祥無忘今日會共勗千秋臧朝趨仁重至
權宴方未央

躬恥齋詩鈔

卷八下 薈英草

三 林杜軒采

題壁臣弦詩讀書行看圖

詩可為子弦畫可為子讀一彈七聲正一覽萬象足願子譜邪
風以鞠人圖石室以鼓俗何有乎翕張風雲模範草木送子臨

歧為子祝別後長懷真面目

題吳溪陂翁永和俯仰全真四圖分詠四首

三十年貯桃花春誰其主者天女孫紫芝瑤草不知數擷之已
足超凡塵溪陂老翁有仙骨昔年誤入栖真窟為問盤桃熟未

會還山更覓長生訣 桃塢采芝

石壁菱荷先有賦池塘春草俄成句湖天詩夢極清涼神到隨
肩吟嘯處哲兄舊譜同家公乾隆甲午元雷州伯
祖與令兄永清同舉季子推分猶

諸翁花連十里泊鷗渚竊願操檝長相從 蓮塘夢草

月中玉斧丁丁斫著手天香空際落向來仙柱賺吳郎萬古雙
姿良足學瀟湘以南嶺嶠間鼓生高樹人罕攀安車舊過白雲

裏滿頭金粟簪蒼顏 桂嶺贈雲

牕前雪月皓流光牕外煤花飛暗香花方榮時月不缺淵淵金石聞歌商大柯化龍碧天去 謂梅 小枝蟠根隨老樹圖窮感我

讀書心難得趨庭忘朝莫 梅牕課月

笑緣沒後雲莊太守恒郵其家頃來京師又為其孤錫申留讀書資感而謝之 樊綠汪氏錫申後入宮名以寬

十年宿草懷先友千仞高雲仗故人謀到孤惇情獨至交全生死道方真孱夫徒任鍼砭力私誼尤慚蘿蒿親多感蜀川賢太守不禁流涕欲霑巾

十二月十三日入直喜雪自雪中歸至夕遂已盈尺詩柬鶴田

子 寒雲靄 金闕萬眾已歡然延閣展雙睫飄風來九天雰雰从裁翦皓皓重迴旋不覺積已深信為求之專

躬恥齋詩鈔 卷八下 薈英草 三 杖杜軒棗

帝心默有契王道應無偏乃使百穀根同沾尺澤宣沴戾一洗釋蟲孽盡除蠲 時侍御方請捕蚘子 廣野醞和氣來茲降康年雖子不耕

穫似亦膏我田步出長安門飛花滿吟肩倦馬毛且縮載我行恐顛歸來坐虛堂純白生庭前日莫明不晦起舞樂忘眠郢人久離別誰和南山篇

題葉鈞潭少鴻臚白鶴山房文集

方歌雨雪為世瑞善人 國瑞尤瑰奇雪牕展讀白鶴集滿目驚眇珣玕琪鶴居山中絕塵俗鶴飛出山悲百族導人醇厚感人深何異朝陽聞鶯鶯學文半世馳虛車不如質言傳里閭讀

書萬古少實用不及仁風動儕眾君不見鈞潭翁經太行西滄海東振筆大聲和誠鐘一心欲使聾聵起豈為章句徒求工為

翁觸起無窮思胡勿持之皆當世

題壁臣寄情草堂詩鈔

遠紹瀟湘古使臣寄情草木感秋雲汪浮溪與熊叔雅祠部書有寄詩情于草木語君之名齋蓋祖此也叔雅有感秋詩

今君綽筆清江上更寫秋懷許我聞有清天地有情詩萬頃情田手種之華實從今好培養江花岸柳已先知

題解梁李保二覺叢柱軒詩鈔

獨聽幽憤覩民艱變雅遺音史迹關六義猶存二三策敢因樸

率議輕刪

高挹中條氣鬱蒼漫遊江漢意悲涼每於懷古登臨際尋取當年飯顆香

餘山翁書來告又一郵梅花已開未暇遊咏寄以一律

梅塢香猶昔湘亭春又生遙聞籌筆日深繫賞花情京國雪殊似湖天寒自輕一枝儻堪寄踟望柳邊程

奇懷揚雪菜提刑丈湘中

躬恥齋詩鈔

卷八下

薈萸草

三

杕杜軒棧

天上白雲來道鄉江干青草迂春光詩人宜領三湘節騷國新

奉九畹香自有廉威安砦落定饒清與譜笙簧離愁尤繫舊游地神思遠洞煙水長

臘鼓謠

都暈答臘喧路旁下貫連環聲鏘鏘兒童競持擊歲晚結隊笑呼歌泰平今年蚱蜢不傷穀明年喜見冬雪足泰平時節泰平

人鼓動千聲天下福

李星臺屬題張虎兒扇頭花鳥

李仲子喬尚校

繡谷春酣映水光巖花流出澗泉香鷗兄鷺弟及時樂濯足振衣嬉未央

外孫施培題校

